


Գ. ՆԱՏԻՏՅԱՆ

Մեթո
Սեպտեմբ

ՆԱՅԻՆՏՆԱՆ



Գ. ՀԱՏԻՏՅԱՆ

891. 99. 092 (Սկսել)

7

Ռեպեր
Սկսել



Հայկական Կրթություն

Հրատարակում

1959

A 108

Գևորգ Հատիտյանի «Ռուբեն Սևակ»-ը դրաքննադատական
վերլուծության մի փորձ է, որտեղ երիտասարդ քննադատն
աշխատել է վեր հանել արեմտահայ նշանավոր բանաստեղծ
Ռուբեն Սևակի կյանքն ու դրական գործունեությունը և նրա
տեղն ու դերը հայ գրականության մեջ:

ГЕВОРГ НАЗАРОВИЧ АТИТЯН

РУБЕН СЕВАК

Армянское государственное издательство
(Айпетрат)

Ереван, 1959

ՌՈՒՐԵՆ ՍԵՎԱԿ

Ա.

Ռուբեն Սևակը (Ռուբեն Չիլինկիրյան) ծնվել է 1885 թվականի փետրվարի 15-ին, Պոլսի մոտիկ Սիլիվրի գյուղում: Նախնական կրթությունն ստացել է տեղի Ասքանազյան դպրոցում, որից հետո երկու տարի հաճախել է Պարտիզակի ամերիկյան վարժարանը, որպես դիշերօթիկ աշակերտ: 1901 թվականին դնում է Պոլիս և սովորում Պերպերյան վարժարանում: Ահա այնտեղ երևան են գալիս Սևակի գրական և գիտական հակումները: 1905 թվականին նա փախչում կերպով ավարտում է Պերպերյան վարժարանի դասընթացը և ալնուհետև մեկնում Լոզան՝ բժշկություն ուսանելու Լոզանում, ռուսանոլոգիայի շրջանում, սկսում է գրել և հրատարակվել հայ մամուլում: Լոզանի բժշկա-

կան համալսարանը նա ավարտում է 1911 թվականին, որից հետո նույն քաղաքի հիվանդանոցներում ծառայում է որպես բժշկի օգնական՝ իր մասնագիտության մեջ խորանալու նպատակով:

1914 թվականին իր կնոջ հետ վերադառնում է Պոլիս և հաստատվում Բերայում՝ վերջնականապես նվիրվելով իրեն այնքան սիրելի գրականության և բժշկության: Մի տարի շանցած՝ ծագում է առաջին իմպերիալիստական պատերազմը: Թուրքական իշխանությունը զորակոչում է նրան իբրև զինվորական բժիշկ: Շատ շանցած՝ մի շարաշուք գիշեր, ձերբակալվում է և արտաքսվում Չանկեր: Եվ ահա, 1915 թվականին, օգոստոսի 23-ին, Թյունեի ճանապարհին՝ Վարուժանի և ուրիշների հետ խժոժորեն սպանվում է չեթեների կողմից:

Արևմտահայերի ողբերգական վիճակը անխուսափելիորեն պլտի անդրադառնար գրականության մեջ: Եվ ահա դրողները ապրում են ժողովրդի վիճակով, որոնց մեջ է նաև Ռուբեն Սևակը: 1910 թվականին հրատարակվում է Սևակի բանաստեղծությունների առաջին գրքույկը՝ «Կարմիր գիրքը» վերնագրով: Գրքի երեք բաժիններից («Ջարդի խենթը», «Թրքուհին», «Մարդերգություն») առաջին երկուսը նվիրված են Կիլիկյան աղետին: Առաջին գլուխը՝ «Ջարդի խենթը», բաղկացած է ինը տարբեր մենախոսություններից, որոնք սերտորեն

կապւած են իրար՝ մեկը մյուսից բխելով և մեկը մյուսին լրացնելով: Դրա մեջ («Ջարդի խենթը») ներկայացւում են ջարդի մղձաւանջային և ահաւոր տեսարաններ: «Ջարդի խենթը» արհեստական խենթութեան քղամիդն հագած մտնում է մահւան և արշունի այդ համայնադաշտից ներս և վայրագ ու կատաղի մի քրքիջ է արձակում:

— Էն, հա՛, հա՛, հա՛, հա՛, հա՛

Հորս դիակն ուսիս, կհալեմ ահա
Ջարդվածներու դաշտին վրա լուռ...

Ձառա՛մ քանակա, դիակդ տխուր

Ինչ ծանր է ուսիս, ինչ ծանր է ուսիս...

Անշուշտ երբ իբր խենթ արտաքսեցիր զիս

Հայրենի բույնեղ, չի խորհեցար բնավ,

Թե պիտի գայի գանել քեզ խոնավ

Թախտոցիդ մեջ խեղդված, շան մը պես.

Իմ պարտքս վերջին կատարելու քեզ...

(«Ջարդի խենթը»)

Դա անմարդկային ցավից խելագարված մի դի-
վային քրքիջ է, որ արձակւում է մեր հուշսի և
պատրանքների, մեր խելքի և իմաստութեան վրա,
որոնք ընկած են դիտապաստ: Անլուր հեղնանքով
հռհռում է խենթը գենքից և պայքարից հեռու
փախչող մարդկանց համար, որոնք չարիքի բուժ
և վայրագ ճիրանների առջև իմաստութեան հա-
մարեցին խուլս տալ վրեժի պայքարից, հանգիստ
էյանքի մեջ սարուկի աներեր համբերութեանով
կաշկանդված: Վախկոտ ու վատ հոգիներ, որոնք

անձնապաշտութեան տիղմի մեջ խրված՝ մեղի ու անկորով համակերպութեան տակ հլու, երբեք չկարողացան ազատութեան դրոշն ունենալ իրենց ձեռքում և մեռնել հերոսաբար: Խենթը իր ցավի, իր կատաղութեան պոռթկումի տակ քրքջում է այս «ապուշ» կյանքին պնդորեն փարած ստրուկ հողի-նքի վրա, որոնց համար անձնական ապահովու-թյունից դուրս ամեն ինչ անմտություն է:

— Է՛հ, հա՛, հա՛, հա՛, հա՛

Բոլոր խելացի մառդիկներն ահա.

Ահա խելոճներն այս ապուշ կյանքին,

Ահա անոնք, որ իրենց ծանր հոգին

Համբիշ Բաշելով կգրոսցնեին,

Ու նվիրումով մը աստվածային,

Կիրակին անգամ մը բերանով ծով

Տիրամոր առջև կսպառեին մով,

Շարաք մը ամբողջ, անվախ, անհամար,

Շնալու, ստելու, գողնալու համար:

(«Ջարդի խենթը»)

Վրեժի պայքարի սուղև միակ խմաստությունը հեղափոխությունն է: Երբ թշնամին ոչ մի խտիր և տարբերություն չի դնում ժողովրդի խառնրի և ազգի անհատների միջև, ապա տատանումները դավաճանություն են: Եվ դժբախտաբար ավելի շատ են սուժում հենց նրանք, ովքեր ներկա դեպքում ավելի խելամիտ են ուղղում լինել: Եվ խենթի վայրի քրքիջը չարախինդ ցատկումով արձագանքում է թշնամու հելուզակների թրով սպանված մարմին-

ների վրա, որոնք սփռված են «անդրհեղեղյան ան-
տառի մ'ը պես»:

Պառկած, աստված իմ. ու որչափ ալ կա,
Ու որչափ ալ կա. մինչև հեռակա
Ճամփաներուն եզրը փոված, կարծես
Անդրհեղեղյան անտառի մը պես:
(«Ջարդի խենթը»)

Վերջին հաշվով խենթի քրքիշը, քրքիշ է անողոր
նախճիրի ենթարկված հայ ժողովրդի հեղաբարո
բնազդի հանդեպ, երբ հարկավոր էր հեղափոխու-
թյան խոչանքով սլանալ թշնամու վրա, խփել ան-
պատճառ: Որովհետև սոցյալաբար սրբազան է և կշա-
հի այն, ով խփում է: Դժբախտաբար փաստն այն
է, որ մեր ազգային ազատագրական պայքարը
պարտվեց ծախվելով օտարին: Դավաճան «բարե-
կամների» խոստովանությունը մոլորված հայ ժողո-
վուրդը խեղդվեց արյան մեջ: Բանաստեղծը իրա-
վացիորեն անբան դադաններին ալելի վսեմ և
բարձր է դասում, քան թե այն մաշողական, որոնք
իրենց մեր դատին «բարեկամ» հռչակեցին:

— է՛ն, հա՛, հա՛, հա՛, հա՛,
Լուռ գիշերին մեջ շուներուն անա,
Երախին մեջ — դեռ կյանքով գալարուն
Կլսեմ հաբհաար ոսկորներուն...
Բարեկամ շունե, բարեկամ ձեռքեր,
Բարեկամ լեզվով լսիլիզված վերքեր...
Երենկ, զազաններ անբան... Բայց ինչպես

Սուրացին հեռվի դաշտերը անծիր
Գնդակեն, բոցեն, աշխերնին կարմիր:
(«Զարդի խենթը»):

Թվում է, թե ցավի և զայրույթի հեքոտ շունչը
այս տողերի մեջ խեղդում է բանաստեղծին: Վրեժի
զգացումը ծանրանում է սրտի վրա, և մի բուռն
ատելություն մրկում է պատգամն է քարոզում նա:
Հարկավոր է անցնել ըմբոստության և ըմբոստ-
թյունից միահամուռ ճակատով՝ «Կարմիր դատաս-
տանի»: Եվ այդ դատաստանը միայն մի արդար
հատուցում չէ, այլ գոյության կռվում մի բնական
անհրաժեշտություն՝ ընդդեմ այն ջարդարարների,
որոնք իրենց անգթությանը, վրեժով ու զայրույթով
լցված մարդիկ են պատրաստում հիմնահատակ
քանդելու աշխարհի օրենքները: Դրանց մեջ են
որբերը, տառապանքի և զրկանքների մեջ հասակ
առած՝ «արյան ու խավարին որդեգրյալներ»,
որոնք թեև տարիքով փոքր, բայց հոգով մեծ են,
և որոնք իրենց անհատակ վշտի խոր կյանքի և
մարդու հանդեպ հմայաթափ՝ մարդը իր նմանների
համար գազան դառն:

Եվ որոնք մարդու մեջը սրբազան
Ոչինչ գտան, այլ մի վայրագ գազան...
(«Զարդի խենթը»):

Եվ քանի որ արքաներն ու այս աշխարհի տերերը
չկարողացան արյունից ղերծ մնալու իմաստու-

Բյուռնն ունենալ, և նրանց ձեռքերը ոճիրների մեղ-
սակցության մեջ դատապարտված մնացին, հետե-
վաբար, իբրև անհեղին օրենք, իրենց դիակների
վրա վրեժի «Կարմիր դատաստանը» պիտի կանգ-
նեցվի:

Ձգույշ, այդ նույն հսկա մանուկները մի օր,
Նեխած ոսկրերու վրա բյուրավոր,
Կարմիր դատաստանը պիտի կանգնեն...
Ու չորս հովերուն նոր կամֆ, նոր օրեն
Պիտի շեփորեն... ու այն ատեն, վայ,
վայ բոլոր շնչող էակներուն, վայ:
(«Ջարդի խենթը»)

Եվ իրոք՝ տանջանքներին անբանական համա-
կերպությունը չէր վերջապես կյանքի նպատակը, և
ոչ էլ հլու հաշտեցումը՝ իմաստնացած հանգստի,
այլ չարիքի բարձումը, նրա դաշունահարումն է
ապահով երաշխիքը մեր սպասած երջանկության:

Կըսեիր, հայրիկ. դրախտ երբալու
Կարնագույն նամիան ըլլալն է հլու
Հետևող խաչի սուրբ արանետին»:
— Հայր, էն կարն նամիան խանջերն է փորդին,
խանջերն է փորդին:
(«Ջարդի խենթը»)

Տեսնում ենք, որ բանաստեղծի համար ավելորդ
և նույնիսկ վնասակար են դառնում պայքարի և
վրեժի հրամայական սլահանջի առջև դենքից բա-
ցի միջոցների այլ ընտրություն: Եվ երբ կյանքի

իրավունքները ոտնահարված են, մարդկային ար-
ժանապատվութիւնը զգետնւած՝ մարդը կքել է
արցունքի և արյան հեղեղի տակ մահից հալած-
ւած:

Մութը շնչելն աշներնիս կուրցած
Ու արյան հոտն ոնգունհիս լայն բաց:

Ապա պետք է, որ նա ոտքի կանգնի ատելա-
ւառ զայրույթով խփելու և խփվելու.

Ահա մենք կուգանք, ու մենք նզովն ենք,
Ու խաւարի մեջ մըխված տեգը նենգ,
Վրեժներու հիդրան ենք փայփայելի,
Մենք սառսափահար ու սառսափելի...

Սեակի ըմբոստ այս տրամադրութիւնն ու վրե-
ժի կիրքը ապրելու ձայնն է, կյանքի հրամայակա-
նը գոյության այն պայմանների դիմաց, որոնց
մեջ ապրում էր հայ ժողովրդի մի մեծ հատվածը:

Գրքի երկրորդ վիպերգը «Թրքունհին» է, թուրք
բեկի կողմից առևանգւած մի հայունհու պատմու-
թիւնը: Սեակն այդ պոեմի մեջ կերտում է «հա-
յածին կույսի» ողբերգական դրաման՝ դժբախտ
ճակատագրի սև գույներով խտացրած: Թուրք բե-
կի կին դարձած հայունհու եղբայրը հեղափոխա-
կան է: Պոեմի սկզբում աղջիկն իր եղբոր համար
ուլունքներից մաղախ է պատրաստում և վրան էլ
իր գլխի մազերից իր անվան նշանատառերն է

հյուսում: Տղան դնում է «ղարնելու, մեռնելու»: Աղջկա առևանգումից հետո, մի օր բեկը իր արշավանքից վերադառնալիս, թրքուհուն բերում է որպես ավար՝ նրա եղբոր դիակը, խանջերը և մաղախը: Թրքուհին սարսափում է իրեն ծանոթ առարկաների առջև և խանջերը խլելով՝ բեկի ձեռքից խփում է նրա կրծքին և սպանում նրան և հետո, ինքն էլ անձնասպան է լինում: Վիպերգի այս սյուժեն մի առիթ է, որ բանաստեղծը այստեղ ևս արծարծի վրեժի և կռվի գաղափարը: Ըստ մեզ, թրքուհու այդ ելույթը պոեմի բարոյական միտքն է, որ բանաստեղծը ցանկանում է տալ նման հալըշտակումների ենթարկված բոլոր հայուհիներին: Չնայած, որ հեղինակը շատ չի մտահոգվում դեպքերի կապակցությունները, արարքների պատճառաբանությունները հիմնավորել մի ընդհանուր պործողության զարգացմամբ, և հաճախ դրա հետևանքով՝ որոշ պատահարներ առկախ են մնում օդի մեջ, բնական հարց հարույցելով, թե արդյոք մոգական մականով են դեպքերը գալիս և զուգորդվում միմյանց (աղջկա առևանգումը, բեկի և աղջկա եղբոր հանդիպումը, այս վերջինիս գլխատման պարագաները և այլն): Բայց պետք է հաուկանալ, որ հեղինակը չի ձգտում իր մտահղացումը տալ մի ընդհանուր սյուժետային գծի զարգացումով, այլ այդ ընդհանուր գիծը հարկավոր է հանել առանձին պահերի և դեպքերի ծնունդ տվող ներ-

քին միասնական վիճակից։ Եվ ի վերջո պոեմի արժանիքը կազմում են ոչ թե կառուցման տեխնիկական այդ կողմերը, այլ ներշնչումի այն վիճակները, որոնցով բանաստեղծը իր ժողովրդի սրտառուչ տրտմություններն է վերապրում։

Պոեմը արժեքավոր է բանաստեղծական սրտի զգայուն կարեկցանքով ժողովրդի ցավի մեջ իջնելու և նրա վշտի հետ միասին ապրելու, նրա տխրությունները բաժանելու զգայնությունով, որը եթե ոչ բանաստեղծական՝ գեթ բանաստեղծին վայել առաքինություն է։ Նա դիմելով հայ աղջկան գոչում է.

Դուն կի՛ն, չունիս իսկ այն լույսը ծավի,
Այն ցոլքը հետին, որ սեր կկոչվի,
Դուն արգանդն ես լոկ ծնելու անո՛ն,
Որ պիտի մեռցվին մահով անողո՛ք։
(«Թրքուհին»)

Բանաստեղծը իր հերոսուհու կոնկրետ օրինակի մեջ ողբում է այն բոլոր հայ աղջիկների բախտը, որոնք տարվեցին վայրենի թշնամու ցրտաշունչ վրանները կենսավառելու։

Դուն կույս, դեռ վայրի, դեռ տաֆ, անապակ,
Դու՛մ, որ բշնամու վրաններուն տակ,
Թափելու կերբաֆ պուտ մ'արցունի՛ հետ,
Ամոքապարտ պուտ մ'արյուն անհետ...
(«Թրքուհին»)

Այսպիսով, Սեակը նկարագրելով արյունոտ
 դեպքեր, դալիս է այն եղրակալցության, որ սալա-
 նություններն անսահման են, արդարությունը
 կորսված, և մարդկանց մեջ գերիշխում են վայրե-
 նի բնաղդներ, ուստի և հարկավոր է լցվել վրեժով:
 Բանաստեղծը շեշտում է այն միտքը, թե արժե
 վրեժի համար ապրել, մոռանալ «սրտի տխրագին
 վերքերը» և երգել «արգարության ծարավը»: Վրե-
 ժի դադափարից մահվան առաքյալներ և հսկաներ
 են ծնվում: Ահա այդ վրեժի դադափարին են նվիր-
 ված «Կիլիկյան երգեր» վերնագրի տակ «Վրեժին
 սերմնացանը» և «Վերջին օրոր» բանաստեղծու-
 թյունները¹: Ահա թշնամուց խոշտանգված կինը
 ընկած է սպանված ամուսնու դիակի վրա: Իր
 մանկիկին նա ժառանգ է թողնում Հայաստանը և
 հոր երկսայրի սուրը («Վերջին օրոր»):

Հայ ժողովրդի ճակատագիրը հուսահատության
 և հոռետեսության շղարշով է սքողում Սեակի հո-
 դին: Ահա այդ հոռետեսությունը, տրտմությունը
 և մահվան դադափարը տարածվում են նրա այս
 շարքի գործերի վրա: Ահա այս շարքի հոյակապ
 բանաստեղծություններից մեկը.

Ո՞վ կուլա այսպես խշտակիս շեմֆին.

— Քույր, դա՛րիքն է, բաց...

¹ Ռուբեն Սեակ, Երկեր, Երևան, Հայպետհրատ, 1955,
 էջ 111—112

Կառք մը կանցնի դուռեն լալագին,
— Սովեն է, դուռդ բաց...
Տապա՞րն է ջախջախ դռանըս կուրծքին.
— Զարդն է, դուռդ բաց...
(«Հայաստան»)

Ահա նաև նրա մի շարք բանաստեղծությունները («Ով իմ հայրենիքս», «Ինչպես երբեմն», «Զանգակներ, զանգակներ»)՝ որոնցով Սևակը ողբերգիկ է անցած փառքերը՝ հակադրելով դրանք ստրկալուծ ներկային. Սևակն իր բանաստեղծությունների մեջ դրել է ջերմ շունչ, անկեղծ հուզում, մտքի թռիչք, գաղափարական նպատակասլացություն:

Գիշեր է, բանաստեղծը մենակ քայլում է կեման լճի ափերով: Տխուր է նա: Շրջապատը թովիչ գեղեցկության մեջ երազ ու երջանկություն է շնչում: Այդ պահին բանաստեղծը երևակայությամբ թռչում է դեպի հայրենիք և Եփրատին, Արաքսին ու Վանա ծովակին հարց է տալիս կարապների, մատաղ կույսերի մասին, որոնք բոցավառեցին սոսպետների սրտերը:

Ով դուն, ով դժբախտ երկիր հայրենի,
Որ արյունի տափ, շահմանդադի մեջ,
Զոհ գազաններու խաղին վայրենի,

¹ Ռ. Սևակ, Երկեր, Երևան, Հայպետհրատ, 1955, էջ 104, 108, 109

Ու համայնասպառ բոցերու անշեջ,
Կը մըխաւս, դժբախտ երկիր հայրենի...
Ով իմ հայրենիքս... Ով դուք հեռավոր,
Եփրատ ու Արաքս ու Վանա ծովակ,
Ո՛ւր են կարապետներ սիրախտավոր,
Որ իրենց երազ քերով հեռմակ,
Ճեղքեին կարմիր ձեւ կուրծքն ախտավոր:
(«Ով իմ հայրենիքս»):

Սրտառուչ և հուզիչ է Սեակի հայրենակարոտ
հոգու այս վերհիշումը, և միաժամանակ սրտա-
ճըմլիկ՝ որ նա միայն տխուր վայուններ է լսում:

Պիղծ յաքաղանով ընդլիսված ահեղ՝
Կույսերու վայունն է, որ կլսեմ...:
(«Ով իմ հայրենիքս»):

Այս վայունները՝ հայրենիքի սրտակեղեք սլա-
տերն ու մարդկանց թշվառ վիճակն են սլա-
տում: «Հին շքեղ ցեղի» մարտիրոսության ձայնն
է, որ հնչում է նրա ականջին: Սղալոր բանաս-
տեղծը մտքերով թռչում է դեպի հայրենիք, կյանք
կոչվող իրականության ահեղ առեղծվածը լուծել
չանալով:

Քնարի զառամած քելի մը փարած,
Թալանե, բոցե, հեռու, ահ, հեռու,
Քալե դուն, փերող հայրենահալած,
Հուր, արյուն երգե ազատ լեռներու,
Քնարի զառամած քելի մը փարած...
Քալե մինչ ե՛րբ: Քալե կուրորեն,
Քալե մինչև որ արևն հրակեզ

Իր մարը մտնե նորեն ու նորեն՝
Ու օր մը այլևս չի ծագի քեզ...
Բարե... կյանքն է այս... փախ կուրորեն»:
(«Ով իմ հայրենիքս»)

Սոսկումնալի ու ցավատանջ պատկերների հա-
ջորդական ցուցադրումի միջից քայլում է ընթեր-
ցողը բանաստեղծի հետ միասին մերթ ջարդի,
մահերի, լափիլիզող բուցերի այնքան ներազդող
խռովքներից խելագարված, մերթ համակված ամ-
բողջովին նրա անհույս սովայտանքների ծանր
ճնշումով, այն ահավոր կործանումով և հիասթա-
փությունամբ, երբ այլևս կյանքը նրա աչքերին մի
նշանախեցու արժեքն իսկ չունի:

«Ինչպես երբեմն» բանաստեղծությունը միևնույն
սրամադրություն բխում է: Այս բանաստեղծու-
թյունների հոգեհատակը հայ ժողովրդի թշվառ վի-
ճակն է: Հաճախ, երբեմնի թագավորության կոր-
ծանած տոհմից մնացած վերջին շառավիղի նման՝
հետադարձ մի հայացքով, հին օրերի երջանիկ և
իշխանական փառքն է ուզում վերապրել ներկայի
ահավոր սուգն ու թշվառությունը մոռանալու:

Քերթող, պատմե մեզ հայրենի հուշերդ,
Երգե մեզ հին օրերու երգ մը անհետ,
Թափառական քուպատուրի երգ մը զով,
Արբշիռ ու զով մեր Գողթանի ողկույզով:

Մեռելի շեն երգ մը հանե բոհերդ,
Հի՛ն կռապաշտ ա՛յն երգերն որոնց հետ՝

Մեր ասպազեն փաշեր արույր քափորով,
Սաղավարտնին շողացնելով, ջանհերով:

Արժայական հանդեսներուն վայրագ, վես,
Կը պարեհին, աստվածներու պարին պես...
Նրգե մեզի հին օրերու հին հուշեր:
(«Ինչպես երբեմն...»):

Եվ ահա բանաստեղծի վշտահար զգայնությունը
հուղում է մեզ իր եղերական տարողություն մեջ:

Մենք դարավոր մեր մահացումն այս գիշեր
Պիտի պարենք եղեռնորեն շեն, խելառ...
— Քերթողը, ծեր, չրխոսեցավ: Ան կուլար:
(«Ինչպես երբեմն...»):

Հայ ժողովրդի ծանր տառապանքը հուսահատ և
կսկծալի վիճակի է դատապարտել բանաստեղծին:
Ապրելու աննվաճ տենչանքով՝ նա ընդվզում է և իր
զոյություն իրավունքը պահանջում: «Զանգակներ,
վանդակներ» բանաստեղծությունը վայրույթի և
բողոքի արձագանք է ժողովրդի հավատքի և նրան
վարձահատույց աստծո հանդեպ: Բանաստեղծին
սանջում է իր ժողովրդի ճակատագիրը: Աստծո
համար զոհված հայ ժողովուրդը նրա ուղորմու-
թյանը շարժանացավ: Ահա քերթվածը իր ամբող-
ջության մեջ այս կսկծի արտահայտությունն է:

Ախ, որովհետև տեսաք ձեր բարձրեն,
Հավտավորներ հազարով, բյուրով,
Ինկած հեքանոս տապարով, սիրով —
Ձեր ռափերուն տակ, երկողածորեն...

Ու ձեր գմբեքենն դիտեցիք անձայն,
Թե ինչպես խնկոտ տանաւորներու մեջ.
Ուր կ'ին, ծերունի, բոցեւոյլ անշեջ,
Իրենց աստծուն զանին զոհվեցան:

Բայց... գիտե՛ք նաև մեր դարավոր
Դիակներու բուրգը ամպերն անցալ,
Ու մեր արյունի ժահրեն նեխեցալ
Սրբութիւններու ծուլ զունտն երկնավոր..

Արդ՝ ո՛ւր եք, չմնաղ խոստումներ խաչին,
Եղբայրության բարբառներ, ո՛ւր եք,
Կրակ կը փսխե հողն ամենուրեք,
Գետերն արյունով, դիակով կոտչին...

Սակայն սխալ կ'լինենք կարծել, թե Սևակը առաջ
է քաշում աստծու ժխտման դադափարը: Ճիշտ է,
նա բողոքում է, ցասումով ծառանում կացութեան
դեմ, նա բողոքում է հիշեցնելով նրան իր խիղճը:
Եւ վերջապես, նա տւգում է ասել, որ ժողովրդի
գլխին պայթող աղետները կյանքի և հաւատքի
տարբերութիւնից առաջ չեն եկել, այլ այն բա-
նից, որ՝

Որովհետեւ դեռ հեռու է օրն այն,
Երբ գայլն ու գառնուկը սիրով աւաճին...
(«Ձանգակներ, զանգակներ»):

Գոյութեան կռիւի մեջ մարդը դեռևս իր բնազդ-
ներին անձնատուր ապրելու համար «պետք է ալ-

ռան սրեր լռելյայն»։ Պայմանների այդ պահանջ-
քից, բնականաբար մարդը պետք է կարծի, որ
«Թուրն ավելի արդար է խաշեն»։

Սևակի բանաստեղծական ժառանգության մեջ
աչքառու տեղ են գրավում սոցիալական խնդիր-
ներին նվիրված բանաստեղծությունները։ Կապի-
տալիզմի զարգացումով առաջացած սոցիալական
հակասությունները, դասակարգային հակամար-
տությունները, հասարակական անարդարույթյուն-
ները դառնում են Սևակի մտահոգություններին
ենթակա խրոդություններ։ Եթե «Կարմիր դիրքը»
հատորիկի առաջին բաժինը արտահայտում է
սովդաշին տառապանքը, ապա դրքի վերջին մասը՝
«Մարդերգությունը» սկսում է սոցիալական աղե-
սը, որի դեմ արդեն հանդես է գալիս անհաշտ
պայքարի դրոշով։ Այս տեսակետից նա առանձ-
նանում է իր սերնդի մյուս բանաստեղծներից և
դառնում է կարմիր պայքարի երգիչ։ Ակներև է,
որ «Կարմիր դիրքը» հատորիկի առավել հաջող և
ուժեղ բաժինը «մարդերգությունն» է թե՛ ձևի
մշակմամբ և թե՛ մտածման ու խորհրդի լիապես
հագեցած բովանդակությամբ։ Նշանակալից է
«Մարդերգության» առաջին բանաստեղծությունը՝
«Գյուղական եկեղեցիին մեջ», որ սկսվում է Արև-
մուտքի քաղաքակրթության քննադատությամբ։ Եվ-
րոպայում, տւր կապիտալիզմը իր զարգացման
բարձր աստիճանին էր հասել, ծայր էր առել դա-

սակարգային հակամարտությունը, խորացնելով
կյանքի անարդարությունն ու բռնությունները: Բա-
նաստեղծը տեսնում է, որ կյանքի բարիքները
վայելում են մի բուռ մարդիկ, որոնք հոծ զանգ-
վածների համար աշխարհը դարձնում են մի հակա
դեմքան: Մարդկանց շահամոլության ու եսա-
պաշտության տիղմի մեջ թափալում է խիղճը, սե-
րը, կրոնքն ու երջանկությունը:

...Հոգնած ապաֆեն

Շատ ֆաղաֆակիրք այս Արեմուտին՝

Ուր խեղմը բառ մ է, մարդը՝ մեհենա.

Աշխարհ գործարան մ՝ անխոնջ, անխնայ.

Սերը հաշիվ մ՝ է և կրոնքը՝ դրամ.

Երջանկությունը՝ ձանձրալի մի տոհմ.

(«Գյուղական եկեղեցիին մեջ»):

Կապիտալիստական հասարակության մասին
Մարքսը գրում է. «Արդի հասարակությունը ոսկուն
ողջունում է իբրև իր կյանքի ամենահարազատ
մարմնացությունը»: Փողի կուտը հասել է այն
աստիճանին, որ մարդկանց արժանիքների և իրա-
վունքի ստուգանիշը նրանց փողի քսակն է: Հար-
գանքը, պատիվը, մեծարանքն անդամ հանված են
սակարան: Եվ ժամանակաշրջանի հոգեբանությու-
նը արտահայտվում է «ամեն ինչ փողի համար»
զազրեկի ըմբռնումի մեջ: Բանաստեղծը հանդիսա-
տես է գյուղական եկեղեցում մի մեծահարուստի
նորածին որդու կնունքին.

Բայց բացառիկ տոն մ' էր այդ կիրակին.
Կնունմն էր ջոշի նորեկ որդյակին,
Ինչ որ գյուղին նույնքան է կարևոր,
Որքան ծնունդի տոներ դարավոր
Նազարէրի հին փառապաշտ.
(«Գյուղական եկեղեցիին մեջ»).

Յուշց տալուց հետո, թե փողն ու հարստություն-
նը մարդկային ընկերութեան մեջ ստեղծել են չա-
րադետ խրամատն ու անդունդը, բանաստեղծը
Ֆրիկյան դասականութեամբ մերկացնում է այդ
անհավասարությունը.

Մեկ նորածին որդին մեծատուն,
Մյուսը աղքատ ծնունդը անտուն.
Մեկը բեհեզով բնած, մյուսն արքուն.
Մեկուն ժանյակներ, մետաքսի հյուսիկներ,
Մյուսին ձորձ մի խին՝ հորը շապիկներ.
Առաջնույն ոսկի, ժանյակ բյուր տեսակ,
Երկրորդին նակաթին փշի սև պսակ.
(«Գյուղական եկեղեցիին մեջ»).

Սեակի հոգին արտմում է մարդկային անարդա-
րութեան առջև: Մարդը թեկուզ տխեղծ ու վատուժ՝
վերջին հաշիվով, մարդ է իր դպացումով և հագով,
իր ապրելու իրավունքով: Եվ ոչ մեկը բարոյական
իրավունք չունի նրան քամհարելու և իր օրենքնե-
րը բռնի կերպով ստատադրելու: «Գյուղական եկե-
ղեցիին մեջ» կատարվող կնունքի երկու թափո-
րների առջև տարվում է նա աշն խորհրդածութեամբ,
թե աշխարհ եկած երկու մասնուկների բախտը

պայմանավորված է նրանց ծնողների տնտեսական կարողությամբ:

Մի այլ գրվածքում «Գյուղական ճամփուն վրա» բանաստեղծության մեջ, նա կանգ է առնում կուպիտալիզմի օրոք կապիտալիստական սիստեմին հարակցող երևույթների վրա: Առաջ, երբ ժողովուրդները տանջամահ մեռնում էին ստրկության և ճորտության մեջ, որպես այդ օրենքների «բնական» արդասիք, ապա կապիտալիստական հասարակարգը այդ հակասութունն արտահայտում է ավելի խորացրած ձևով, հանդես բերելով նաև կապիտալիստական սիստեմի հատուկ առանձնահատկություններ: Բանվորների աղքատացման ու կեղեքման, մասսաների ծայրահեղ չքավորության վրա ավելանում է նաև աշխատանքի ստրկացումը: Բանաստեղծը հին դարերի տեսիլքից սթափվելով կանգնում է ահա նոր իրադրության, նոր կացութթաձևի առջև.

...Հանկարծ ծանր քե մը զարկավ ուսիս:

Հին երազներեն արքնացավ հոգիս.

Ու տեսավ տարեց մշակ մը տժգույն:

— «Ո՛վ ես դուն»:— «Անունս է աշխատություն...»

— Ի՞նչ կրես ալսպես»:— Կը մուրամ...» հիծեց.

(«Գյուղական ճամփուն վրա»):

«Մարդերգության» վերջին գլուխը՝ «Գյուղական գերեզմանատան մեջ», բնորոշ է բանաստեղծի աշխարհայացքի մի այլ կողմի համար: Կյանքի և

ապրող մարդկության ապագայի տեսակետից նա լավատես հեռանկարներ չունի: Մի ծանր հուսահատություն է պաշարում բանաստեղծին, և նա այդ դրությունից ելք գտնելու անկարող, դալիս է այն եզրակացության, թե կյանքի բոլոր հակամարտությունները, բոլոր սպաքարներն ու վեճերը լուծվում են միայն մահվան մեջ: Եվ այս մռայլ մտորումները արդյունք են նրա հուսահատության: Մի քիչ ավելի խորը թափանցելու դեպքում նկատվում է, որ Սևակի հոռետեսությունը կյանքը ժրխտելու հետևանք չէ, այլ բխում է կյանքի հանդեպ ունեցած մեծ սիրուց: Ապրել, հակառակ ամեն տեսակ վատ հանդամանքների.

«Անկողին զամլած, փտիլ, ցալիլ, լալ,
Դարեռով, ինչ լավ... Բայց մեռնիլ, չըլլալ:

Սևակի հիշյալ բանաստեղծություններին ներքին սերտ կապով առնչվում են և այն գրվածքները, որոնք լույս են տեսել ժամանակի թերթերում և հանդեսներում, և որոնք սովետական հրատարակության մեջ ամփոփված են «Խառն բանաստեղծություններ» և «Պոեմներ» վերնագրի տակ: Սոցիալական միևնույն հարցը, անտեսական կացութաձևի, անգործության, կյանքի զրկանքներից ընկած զոհերի խնդիրներ են շոշափում «Այս դանա-կը», «Դրամին աղոթքը», «Կարմիր դաշակը», «Փողոց ավուղը», «Պոլսո որովայնին մեջ», «Պոռնիկը»,

«Արգասաւորում» բանաստեղծությունները¹։ Այս բանաստեղծությունների մեջ, նա հանդես է գալիս որպես աշխատավորութեան առաջադիմականների երգիչ։ Կապիտալիզմի ճիրաններում գալարվող մարդկանց դասապաշտպանն է նա։ Նա չի կարողանում լուսթյամբ անցնել սոցիալական անարդարութեան կողքով, երբ մի տեղ մեծատունը հղիացած է ճոխ վայելքների մեջ, իսկ մի ուրիշ տեղ աշխատող մարդը կարոտ է օրվա հացի («Կարմիր դրոշակ»)։ Նա ընդվզում է այս անհավասարութեան դեմ։ Այդ հանդամանքի ճշգրիտ մեկնաբանումն ու քննադատությունը խոր կերպով տրված է «Այս դանակը» բանաստեղծության մեջ, որտեղ Սևակն իր եղրակացությունների մեջ մոտենում է ռևոլյուցիոն աշխարհայացքին։ Աղքատ բանվորի ընտանիքը ասլորում է ծալրահեղ չքավորության մեջ, խլուրդների նման ընկած մի գետնափոր նկուղում։ Այնտեղ սովից ու ցրտից մահանում է նրանց զավակը։ Մյուս երեխաները հաց են ուզում։ Տանը հաց չկա։ Քաղցի և մահվան այդ թշվառության մեջ հանկարծ երեխաների մտք սրտում վրեժի ցասումն է բոցավառվում, և նա վերցնելով հացի դանակը, դնում է ամուսնու առջև, որպեսզի նա դնա դանակի ուժով հաց ճարի։ Ծերուկ գոր-

¹ Ռուբին Սևակ, Երկեր, Հայպետհրատ, Երևան, 1955, էջ 144, 93, 101, 156, 97, 99 100։

Ժամօրը վազում է փողոց։ Մութ փողոցում խնջույքի տնից դուրս են ելնում հարուստները, որոնց մեջ ահա նա տեսնում է իր տիրոջը։ Բանվորը հարձակվելով նրա վրա, դուռում է։

Դրուքյուն, պարո՛ն, ընտանյաց հայր եմ,
Զգո՛ւշ մերժելու, ձեր հոգին կայրեմ...

Հարուստը ինչ որ ունի՝ ժամացույցը, շվթա, դրամ, թղնում է ու փախչում։ Բայց մի բոպե հետո բանվորի ներքնաշխարհում մի անիմանալի փոփոխություն է կատարվում հանկարծ։ Նայելով տակուն, հացի դանակին, նայելով իր տիրոջ շվարած վազքին, նրա սիրտը փռվում է, նա չի ուզում իր ապրուստը դանակի ուժով ճարել և փողոցում անձնասպան է լինում։

Այս բանաստեղծության մեջ Սևակի միտքը տեղաեղ հանդես է դալիս ուշադրավ փայլատակումով։ Այսպես, անոթության ու սովի պատճառները հասարակական կարգերով բացատրելուց հետո, շեշտում է այն հանդամանքը, որ այդ հասարակությունը մեկի անոթությամբ է ապահովում ուրիշի հացը և մի երկրորդի մահով է կենդանացնում մեկ ուրիշի կյանքը։

Հա՛ց... Ով ողորմուկ երեխա սոված.

Հաց չկա. Այսպես է տնօրինված....:

Դու դեռ շատ փոքր ես, դեռ չես հասկանար,
Որ հարուստն ունի իրավունք հեռ

Քեզ մեռցնելու ծանրածանր մահով,
Օրենքն է իրեն պաշտպան ապահով...»:

(«Այս դանակը»):

Վերջին տողերը հատկանշական են արդեն: Շահագործողների կողմից մարդկանց լռելյայն պլուկումը պետական օրինականացում և աջակցություն է գտնում: Դա արտահայտություն է այն մտքին, որ պետությունը, դասակարգային հասարակության մեջ, շահագործողների ձեռքին բանվորների վրա բռնանալու և նրանց ստրկացնելու մի գործիք է: Այս բոլորով հանդերձ Սևակը դասակարգային պայքարի ըմբռնումից հեռու է կանգնած: Նա հասարակության մեջ տեղի ունեցող պայքարը դասակարգային շահերի բախում նկատելու փոխարեն՝ հասարակությունը դիտում է որպես շար ու բարի մարդկանցից կազմված մի ամբողջություն, ուր պետք է բարին հաղթանակի: Նրա աշխարհայացքի թուլությունը ավելի է շեշտվում բանաստեղծության վերջին տողերում, երբ նա ռևոլյուցիոն պայքարը փոխարինում է մարդկության բախտը անարյուն կերպով նվաճելու անընդունելի գաղափարին:

Եվ որ կրնայիր շարժումով մը լոկ
Արյան վրա հիմնել օրենքդ ապագա,
Բայց կսպասես, որ խաղաղությամբ գա,

Արդարոյթամբ զա, զա տարվետարի.

Զրկված մարդկութեան ետազը բարի...

(«Այս դանակը»):

Սեակի մոտ կարմիր հեղափոխութեանը դասա-
կարգային հակամարտութեան արդեւոյթ չէ, այլ
տարերային մի բողոք անարդարութեան ու չարի-
քի դեմ բնազդական կրքով ընդվզած: Նրա տեսա-
կանը մարդկայնական վսեմ գաղափարներով հա-
մերաշխված հարաբերութեաններու ներգաշնակումն
է. չարիքի սահմանափակումը և անիրաւութեան-
ների վերացումը, հետամտելով համամարդկային
երջանիկ ապագայի երազին: Այս իմաստով նա
եղբայրութեան և մարդասիրական գաղափարների
սպասարկուն է և խեղճերի ցաւի երգիչը:

Հատկանշական բանաստեղծութեան է «Դրամին
աղոթքը»: Բանաստեղծը իր հասարակարգի թշուա-
ռութեանների սկզբնաղբջուրը իրաւացիորեն փոփո-
է համարում, դրամի դերազդեցութեանը: Դրանից է
սկսվում մարդկային ողբերգութեանը, որովհետեւ
այդ հասարակութեան ներսում մարդիկ՝ բոլորը,
մոռացած ամեն բան, խուճապահար մի վաղբի
մեջ ձգտում են միակ բանին՝ «փողին»: Հասարա-
կական սիստեմը իր կառուցվածքով ընկերութեան,
ինչպէս և անհատների կարիքները տնտեսական և
իրաւական տեսակետից չի ապահովում, և մարդը
պաշտպանութեանից զուրկ իր գոյութեան կռիւնը
գնում է որոնելու փողի մեջ՝ իբրեւ գոյութեան զո-

րավիզի: Փողը՝ այդ հասարակության հիմքն է, և այդ իսկ հիմքի մեջն է տառապող մարդկության դժբախտ ճակատագիրը, և մարդը իր անկումները չի գիտակցում հաճախ դեպի փողն տնեցած իր ձգտման մեջ:

Տառապանքի, անհուստության ուրբեք խուլ
կը խեղդիլին քար պատերու տակ խարխուլ,
Սովալըլուի բյուր քշվառներ արտմուրեն
Խրենց նիհար ձեռները քեզ կերկարեն ,
Ու տենդահար, փողոցին վրա, ամեն դի
Քանի փոփրեք կան՝ մայրազուրկ, անոթի:
(«Դրամի աղսքը»):

«Փողոց ավուղը» նմանապես միևնույն մտահու-
ղությունների մի ուրիշ ասլացույցն է, այս անգամ
մարդը դիտված է իր բազմադիմի վիճակների մեջ:
Խոր ափսոսանք մարդու կողմից մարդու վիզը նետ-
ված նվաստ և ստրուկ սլարավանդումների համար:
Քաղաքակրթությունը իր առաջադիմության մեջ ա-
վելի շատ կաշկանդումներ է ստեղծել մարդու հա-
մար, քան թե ազատել է նրան իր շղթաներից: Հա-
սարակությունը շերտավորված երկու բանակի՝ մտել
է իրարամերժ պայքարի մեջ: Այդ պայքարը անձ-
նական շահի զսպանակից արտամղված ընթանում
է նրբագույն դավադրություններով: Պայքարը
զուրկ է բարձր գաղափարականից, այլ շնային
եսականությունն է նրա շարժիչ ուժն ու թիրախը:
Մարդկային վսեմ գաղափարներն ու ձգտումները

հանված են անողտ շարաշահման, ծնունդ տալով համայնական թշվառության: Սոցիալական մի ճշմարիտ քառոս, ուր կեղծիքը, սուտը, նենգությունը գոյության խարխալ, ուր «գութն զգացմունք մ' է գրեթե մանկական»: Պետական և սոցիալական օրենքները իրենց անողտ «արդարության» մեջ փտած՝ սրբազործում են գործնականապես «փոքրերն անվրեպ մեծերու կեր են» անուղղա կարգախոսը: Սևակի մտածողությունը փայլատակում է դարձյալ և «քաղաքագետներին», «կառավարական» սխառեմներին սնանկ է հուշակում, որոնք ոչ ալ ինչ են, եթե ոչ՝ աշխատավորությանը ստրկացնող միջոց: Օրենքը հզորագույնի կամքն է.

Բայց ինչ փույր, կեցցե՝ կառավարություն,
Իրն է անտունին դիակն անարյուն,
Նախ կըսպանեն, բայց կը քաղեն ձրի...

.

Արքան խեղճերուն տերն է համորեն

.

Կառավարություն... Ինչ բարի, բարի...:

Աղխտին դպրոց բացեր է ձրի,

Ու հոն սորվեցնեն կարգալ ու գրել,

Օրենքի առջև կոնակը ծոկ...

Գիտնալ որոշել շարք ու բարին,

Սեփական փողեն տուրք տալ կեսարին...

Բլլալ հնազանդ մեկ կարճատու կով,

Զորք գրվիլ, մեռնիլ արքային կամփով...

Հարգել հարուստին վաստակն անօրեն...

Դեմոկրատ և հումանիստ բանաստեղծը, ինչպես միշտ, նույնպես այստեղ, կողմնակից է հարստահարվածներին ու զրկյալներին, հայտարարելով, որ՝

Աղատասեր սիրտ մ'ունիմ ես ինքս ալ:

Բայց դարձյալ մենք տեսնում ենք միևնույն հարցի անհանգիստ տալանալը, թե ո՞ր օրենքով, ո՞ր ուժով հարկավոր է վերջապես վերականգնել անգոսնված արդարությանը: Եվ դարձյալ ահա գալիս և հանգում է ուղղության ղաղափարին:

Որ օր մ'երբ վրնիտ հոգիդ փրփրի,
Թե արժան չէիր դուն այս վատ կյանքին,
Օր մը քու դողդոջ ձեռներդ մոլեզվին,
Անխիղն մեծերուդ աղիքը պատռեն...
(«Փողոց ավլողը»):

Որպեսզի հազիվ հասած այդ վճռին, նրան նորից պաշարեն որպես խրոնիկ հիվանդություն, պայքարի ձևի կրավորական ու պասսիվ կերպերը, որոնցով նա տուրք տա վերացական խոհերին՝ բանվորին զինելով մի տեսակ խուլ և անբարբառատելություն, որի մեջ պետք է գտնի նա իր վրեժի բավականությունը կամ հոգու անդորրությունը: Տարակուսից զերծ է, որ Սևակը իր գաղափարներով առաջադիմական է: Նրա խոցելի կողմնայն է, որ նա չկարողացավ տեսնել ու հասկանալ

այն օրինաչափ ուղիները, որոնց միջոցով բանվոր դասակարգը որպես հասարակական միակ ուժ, սկսեց է վերացնել մարդկության ուսերին ծանրացած ստրկական լուծը: Բայց մյուս կողմից՝ որպես քննադատական ռեալիզմի ներկայացուցիչ, անխնա պարսավում է ընկերական կարգ ու սարքը, դիմակազերծ է անում ուժացած արդարությունը, ցույց տալով միաժամանակ այդ աղետավոր հասարակության տնտեսական և սոցիալական պայմանների դոհերին: Ինչպես Վարուժանը (Գողգոթայի ծաղիկներ), այնպես էլ Սևակը ռեալիստորեն նկարագրում է հացի դժնդակ պայքարի մեջ «Ինկած քույրերին», որոնք թույլ ու անդեն մի կտոր հաց ճարելու համար վաճառքի հանեցին իրենց սերն ու մարմինը («Պոստ որովայնի մեջ», «Պոռնիկը»)¹: Բանաստեղծը գութ ու կարեկցանք ունի նրանց համար և այսպանք՝ պաշտոնական բարոյականության ղեմ, որ չքմեղացնում է հոգու ու մարմնի առուժախը դրամի և հացի փոխանակությամբ:

Կրսպասելի դուռ պատրաստ ու համակերպ ու հրլու,
Առանց սիրո ընտրության, նվիրվելու համար, բույր,
Այն բաբենան արույին, որ հաց սնեւ քեզ տալու...

Եվ վերջապես «Թրուպատուրները», որպես Սեվակի լավագույն բանաստեղծություններից մեկը,

¹ Ռուբեն Սևակ, Երկեր, հայտնաբերատ, Երևան, 1955, էջ 97, 98, 99:

արտահայտում է ցավագին զգացումներ արվեստի ու երգիչների անկման մասին, որոնք իր դարի շահագետ ու դրամապաշտ ոգու ազդեցության տակ կորցրել են իրենց վաղեմի հարգն ու սլատիվը:

«Թրուպատուրները»՝ միջնադարյան այդ թափառաշրջիկ երգիչները մի առիթ են դարձել, որպեսզի Սևակը իր խոր մտորումներն արձանագրի: Այսինքն՝ անցյալի և ներկայի, կյանքի և բնության, մարդու և հասարակության մասին ունեցած իր հայացքների ամբողջական սինթեզը կատարի: Կյանքը դիտելով թրուպատուրի յուրահատուկ հոգեբանության և կենցաղի տեսանկյունից, բանաստեղծը ներկա ժամանակների խոցերն ու արատներն է վեր հանում, որոնք եղծել ու խաթարել են ինչ որ կար հնում մաքուր և ազնիվ: Նրանք աղատ և անկաշկանդ կյանքի հերոսներ են, որոնց համար հորիզոնները անժայռածիր են, և տափաստանները սահման չունեն: Թրուպատուրի անձի մեջ բանաստեղծը դիտում է և մանավանդ սիրում է տեսնել այս աշխարհի պայմանական կարգ ու սարքից ազատ, կեղծ ու սլատիր օրենքներից վեր և ոչ մի պարավանդում չճանաչող, այլ դրանք արհամարհող աղատ երգչին: Պիտի ասելի՝ երգիչ-արվեստագետի այն աննվաճ հոգին, որ չի խոնարհվում, չի ընկճվում տառապանքների, բռնության կամ մահվան անխուսափելի հաղթանակի

առաջ: Այլ ընդհակառակը, մի բռնուն կամքով այս սուտ ու անարդար աշխարհը իր հիմքերից հեզնելու կորովամատուցյունն ունի, որ ավելի քան հմայիչ է:

Քախտը, տառապանքն, հարափոխ հովեր
Իրենց ղեմփն մութ ժպիտ մ'են տվեր,
Կյանքը հանչողի ավելոծ ժպիտ:
Ու իրենց բռնի ձևին մեջ հտալիտ,
Խոփվ մագբրուն ներքև ալևոր,
Աշխարհին հեզնելու հով մ'ունին սղվոր
Թրուպատուրները:

Մեհենայություն այս դարը երկար
Չընկնեց դեռ իրենց հոգին խանդակար.
Ու ոստաններուն միջև դրամապաշտ՝
Թշվառության հետ գլուխ գլխի հաշտ
Կապրին նախնական կենցաղով ազատ,
Ազատ բնության որբերն հարազատ
Թրուպատուրները:

Նրանց իդեալականը ազատությունն է և անձի ինքնիշխան հպարտությունը: Նրանց համար այս աշխարհի նյութական խոստումներն ու բավականությունը արժեք չունեն: Այլ միմիայն սեփական անձի անսահմանափակ ազատությունը, որ ոչնչով չի փոխարինվում: Թշվառությունը, զրկանքներն ու հալածանքը անզոր են նրանց անձնական ազատության գերադույն երջանկությունը բռնադատելու:

Զի մենք ենք, մենք ենք, բանաստեղծ, պոետ,
Մենք, պատառոտուն բեհեզով վետ-վետ
Երգի իշխաններ՝ իսպառ հայածված,
Մենք նորի, հպարտ երբեմնի աստված,
Մենք չհասկըցված, մենք եղբրական,
Մենք բանաստեղծներ, մենք ենք իրական
Թրուպատուրներ:

Մենք, որ մեր վերինն երգեր կշինենք,
Մենք զրկվածներ ճակատագրեն հենգ:
Ու մինչ ուրիշներ առատ կջամբեն
Խինդի սեղանեն, մուսայի ճամփեն
Մենք կերթանք ստույգ մահվան անսլաղ
Մենք, հին մարդկության ուշ ծնած, ավաղ
Թրուպատուրներ:

Արդարեւ, ազատ մարդու հոգեվիճակի ցայտուն
բնութագիրն է տալիս բանաստեղծը, ըստ որում՝
մարդը իր ազատության մեջ աստված է դառնում:
Այսինքն՝ մարդուն իր կոչումի գերագույն կատա-
րելագործման և վեհացումի, այսինքն՝ դեպի աստ-
վածության առաջնորդող միակ ճանապարհը ազա-
տությունն է համարում նա: Արդյո՞ք հետևում է,
որ անձի անիշխանական ազատության գովքն է
անում բանաստեղծը: Ոչ: Նշանակում է ուրեմն,
որ դա իր ժամանակաշրջանի հասարակության
երկաթե շղթաների մեջ կապկպված մարդու հո-
գեբանության անդուստ ձգտումն է դեպի ազա-
տություն, դեպի ազատության ռոմանտիկ աշ-
խարհը: Եվ իրոք, այս աշխարհի տերը ազատ

մարդն է, որին չի կարելի ոչ մի կուռք պարտա-
դրել, որի հիացմունքները չեն սակարկում, որի
զաղափարները չեն կաշկանդում, որի զգաց-
մունքների վրա կարելի չէ բռնանալ և որի միակ
աստվածը ճշմարտությունն է:

Մենք ենք, որ անփութ գրչով կնեզենք
Այս նեղ աշխարհին պսակները նեղ:
Քնար մը ձեռներիս, անուն, մահագին,
Չենք ցանկար սուրով — պետի դոյակին:
Ազատ բուրբառի ասպետներ անան,
Կապին մեռնելով, կմեռնին անմահ
Թրուպատուները:

Եվ պատահական չէ, որ թրուպատուների՝ այդ
միջնադարյան թափառաշրջիկ երգիչների մեջ,
որոնք ժողովրդական բանաստեղծներ էին ուրույն
սովորություններով և տրագիցիաներով, բանաս-
տեղծը տեսնում է ազատ երգի իշխաններին:
Նրանց կենցաղի և ազատ վարքի առանձնահատ-
կությունները Սևակի կողմից վեր են հանվում հա-
կադրվելու ժամանակաշրջանի նորօրինակ, այլ
զգայազուրկ և անգեղասլաշտ հոգեբանության:
Երգի ու երգիչների բնագավառն էլ զերծ չի մնում
բուրժուական հասարակության առաթուր ավերա-
ծությունից և կանխիկ հաշվի մերկ հարաբերու-
թյան մեջ արվեստն էլ արծաթի կողմից հանվում
է կախաղան.

Այս ինչ դարերու հասել ենք, Աստված,
Փշրեցին ինչ որ կար վսեմ կերոված,
Թե դեռ սիրտ ունի՜ք քաղելու տարեք,
Ոսկիին նենգ ձաւն է ամենուրեք,
Մի միայն մենք ենք, որ դեռ անարգել
Սիրել կերազենք, ով կուզէ սիրել

Թրուպատուրները:

(«Թրուպատուրները»):

Բ.

Ռուբեն Սևակի ստեղծագործությունների մեջ մի կարևոր մաս են կազմում նրա սիրային բանաստեղծությունները, որոնք հեղինակի կողմից ծրագրված են եղել ամփոփվելու «Սիրո գիրքը» անուն հատորի մեջ: «Սիրո գիրքը» առաջին անգամ լույս է տեսնում սովետական հրատարակությամբ: Սևակի այս տաղարանը պարունակում է սիրո զգայնություններ արտացոլող գողտրիկ քերթվածներ, որոնց մեջ բանաստեղծի երիտասարդ և սիրատարի հոգին սիրո երջանիկ վայելքներով է արբեցած: Սիրո, կյանքի նկատմամբ մի զորեղ տենչանք և նրա մոգական ձգողության առջև համայն աշխարհը մոռանալու մի խուլ սիրտ, որ սիրո վճիտ կոհակների մեջ անհետանալու ըզձանքն ունի: Բանաստեղծը կամավոր և ինքնակամ ուխտավորն է այդ հավիտենական զգացմունքին, որի լուսարձակումներից փարատվում են կյանքի մթու-

թյունն ու մահվան ստվերը: Այդ սերը, սակայն, Սևակի մոտ աննյութական, եթերալին, անիրական մի գաղափար չէ, այլ առարկայական և շոշափելի իրականություն: Եվ նրա սիրո երգերը ողորկ ու տաշված խճաքարերի նման փայլվիում են նրա վճիտ զգացմունքների թափանցիկ ջրերի տակ: Ու բանաստեղծությունը, իբրև հոգու երգ ու երաժշտություն, իր կոշման մեջ է: Սևակի այդ բանաստեղծությունները մեզ ներկայանում են իբրև ներքին մի անբացատրելի և յուրօրինակ ներշնչումի բխման արգասիք, որ գալիս, ներդաշնավորում և կապում են մարդը բնության և կյանքի երևույթների հետ:

Նախ և առաջ պետք է շեշտել, որ այդ բանաստեղծությունները նախորդ ստեղծումների վրա բերում են շնորհալի ու ներդաշնակ կառուցվածքի առավելություններ, սահուն և երաժշտական դնացքով, սաք ու սրտազեղ հուզականության մեջ թաթախված: Բանաստեղծն այստեղ գեղեցկի, վսեմի, թովիչ ու կախարդական ձևերի խուզարկուն է, չբացատրվող իրերի գաղտնասացը, որոնց անմեկին խորհրդից այրվում է նրա հոգին: Մենք կարդում ենք նրա «Ահա կերգես, Դասիանա», «Քնուցող աղջիկը», «Երգ երգոցը», «Այդ գիշեր», «Եկուր», «Սիրո և մահվան երգը» և մեր միտքը, եթե մնում է հայտնված մտքերի բուլանդակության առջև անտարբեր, ապա մեր սիրտը լցվում է նրա

սողերի գորովագին սիրո, կարոտավոր կանչի և
նրա կորած հիշատակների համար թափված տաք
արցունքով:

Նկուր, Ես փուկ եմ, փեղ արքա ու գերի,
ես, մեղապարտ անորը սուրբ համույրիդ...
Հնքա աղոթքի պես դեմքիդ շուրջ կ'դեգերի,
Պաշտամունքիդ ես խնկանոք միամիտ:
Նկուր, Ես փուկ եմ, փեղ արքա ու գերի...

Քու տանարիդ ես փութ երգիչն եմ դողողը.
Ու դուն մարմինն ես անմարմին երգերուս,
Խենթեցրնող հավերժահարսը բողբոջ,
Ցող մահացնող սրտի հազար վերքերուս.
Սուրբ տանարիդ ես փութ երգիչն եմ դողողը:
(«Նկուր»):

Կամ

Այտերն ի վար, այտերն իր վար ուր հավետ
Կը սողորի հետքը վերջին համբույրին.
Իշիւր, արցունք, զովությանդ մեջ երկնավետ,
Թող սերերու հետին բոցերը մարին:

Գովանհներու ծովուն վրա ալեվետ
Մեռած, բռնած խոստումներուն վրա ցրտին՝
Իշի'ւր, արցունք, զովությանդ մեջ զենսավետ,
Իշի'ւր սառած երազներուն վրա սրտին:
(«Արցունքին փերվածը»):

Տրամաթախիծ ու մեղամաղձիկ վիճակներ են
առթում բանաստեղծին նույնիսկ սիրային վա-
յելքի պահերը, երբ թվում է, թե մարդը երջա-
նիկ արբեցումից բացի ուրիշ ոչինչ չպետք է զգա:

Բայց տարբեր է բանաստեղծը: Նա իր ներշնչանքով վերանում, օրորվում է առարկաների ու իրերի հեշտամրմունջ ծփանքի մեջ մի երանական վիճակում, որ բուն ինքը բանաստեղծությունն է: Դաշնամուրի առջև նստած գեղեցիկ կնոջ ներկայությամբ («Ահա կերգես, Դասիանա»), նրա երգի ու նվագի ձայներին ունկնդիր՝ բանաստեղծը երազների գիրկն է փոխադրվում, ուր իրականությունը իր արվեստագետի խառնվածքի կնիքի տակ ավելի գեղեցիկ է զգեստավորում տարաշխարհիկ հույզերի մեջ թաթախված:

Դասիանա, անա, սովերն իրիկվան,
Երագներու տաբտամ գույնին պես աղվոր,
Մութ սենյակիդ առարկաները բոլոր
Կանոնետանան, կըղինովնան, կընկան:
Անա սովերն իրիկվան:

Դաշնակիդ վրա ծաղիկներդ կերագեն,
Կըղձգունին ծաղիկներդ դեմֆիդ ֆով,
Ու սարսուռով ու համբույրով ու խունկով,
Օծուն շունչը ֆեզի կուգա պարտեզեն:
Ծաղիկներդ կերագեն:

(«Անա կերգես, Դասիանա...»):

Եվ այսպես, բնական շարունակությամբ՝ բանաստեղծը անձերից, առարկաներից, ձևերից, դույններից և գծերից վեր անբացատրելին է տեսնում, նրանց ի մի ձուլող մեծ օրենքը, ցանկանալով շոշափելի դարձնել անըմբռնելի խորհուրդը: Ահա նա

տեսնում է «սնդուաներու դյուլթական փրփուրի մեջ»
քնած աղջկան:

Այսպես մութին մեջ փոված, դիցաճիւի մը պես հին,
Չես գիտեր ինչ մը ունեւ ան պաշտելու ահալուր,
Գեռափրիք աղընակն իւ մրափին մեջ լոին:

Ու իւ շունչին մեջ համակ, անըջանփի, համբույրի,
Դեռ չի ծծած բույրերու պատարագ մ'էր հեշտօրու...
Օհ, Բնացող կիրքերեն ծորող նեկտարը վայրի...
(«Քնացող աղջիկը»):

Ամբողջ այս կյանքն իր հետաքրքիր երևույթ-
ների և զանազան կողմերի մեջ, իր բոլոր առար-
կաներով և իրերով և, վերջապես, բնության հա-
մայն տեսարաններով բանաստեղծի հոգու համար
«չհասկացված բաներու աղվորությամբ» են օծված,
ինչպես պիտի ասեր ինքը: Նա վերին հոգեզմայ-
լություն է ապրում այս տիեզերքի դյուլթական գե-
ղեցկության առջև, մի վերացած վիճակ՝ որի գե-
ղեցկություններն անհասկանալի մի դադտնիք են
ներկայացնում իր՝ բանաստեղծի սրտին:

Ահա «Ժպիտ» չքնաղ բանաստեղծությունը:
կանացի մի սովորական ժպիտ է դա, որին ճա-
նաչում ենք մենք և որը պարզ կամ թաքուն
իմաստներ է պարունակում: Բայց բանաստեղծի
յուրահատուկ զգայնությունը դրա մեջ հիմնովին
տարբեր բան է նշմարում, դրա ծալքերի տակ
պահված է ինչ-որ չհասկացված երևույթներ...

Յանկահարույց ու միամիտ,
Բույրի մը պես տարտամորեն,
Հոգիիս մեջ կիջնես նորեն,
Ով կանացի միստիկ ժրպիտ:

Մութ բաժակիդ գոգը վայրի
Հագար բույրեր կեռան գինով.
Դուն ի՞նչ ունիս՝ որ հատնումով
Թարթիչներուդ վրա կայրի:

Անգաղտնապահ վանկերդ ամեն,
Սիրով, տենդով, ցավով հրդի,
Գիշերներուն գաղտագողի
Փլատակները կը պատմեն:

Ու ամբարիշտ խունկի մը պես.
Անուրջի մը պես տարորեն,
Ալիքներդ զիս կողողեն,
Կարծես հոգիս լացնել կուզես:
(«Ժպիտ»):

Այսպիսով, ինչ որ ընկնում է նրա տեսողության տակ, ինչ ապրումներ որ առաջանում են ներքուստ՝ մի պահ թվում է, թե անհասկանալի մի խորհրդի տակ քողարկված է միտում դրանց իսկական վիճակը, և նա վարանոտ անուններ է փրնտրում:

Երա՛գ, տեսի՛լ, անգո ստվե՛ր մ'անհոգի,
Ճառագայթի, փրփուրի խա՛ղ մը տարտամ,
Քմայապաշտ ծաղի՛կ մ'արդյո՞ք ցընորփի,
Քու մշուշոտ գիծերուդ ինչ անուն տամ.
Երա՛գ, տեսի՛լ, անգո ստվե՛ր մ'անհոգի:
(«Երգ երգոց»):

Բայց արվեստագետի ստեղծագործող երկունքը
ի վերջո պիտի դառնա դրանց համապատասխան
անուններ, համեմատություններ, պատկերներ ու
գույներ, որպեսզի ստացվի «Երգ երգոց» սքանչելի
բանաստեղծությունը:

Արցունքիդ մեջ նայադներ պար կը դառնան:

Այդ ի՞նչ հեշտան, որ շրթոններուդ մեջ կըմպես.

Շունչդ գինով է հովերու պես զարնան,

Ձայնդ տարփոս՝ աղբյուրներու երգին պես...

Արցունքիդ մեջ նայադներ պար կդառնան:

Կը հմայեն զիս փռ աչերդ, կը շոյեն,

Ու մարմինեդ ծորող խունկը մեղավոր,

Ալեկի ֆաղցր է Քահանու գինիեն...

Հագարբուրյան այս պատարագն է աղվոր,

Ինչ լույծ աչերդ, որ մուր հոգիս կշոյեն:

(«Երգ երգոց»):

Եվ ահա սիրած աղջկա գեղեցկության հմայքի
առջև երևան եկող զմայլանքը հալթանակում է
մեղավոր խռովքները և տեղի տալիս գեղեցկու-
թյան առջև ծնվող հիացմունքի: Կնոջական մարմ-
նի ձևերի մեջ նա տեսնում է ոչ թե հեշտանքը, այլ
գեղեցկությունը:

Տժգույն աղջիկ, հյուսիսայգի աչերուվ,

Կոպերուդ վրա ու բիբերուդ մեջ խոնավ

Այդ ի՞նչ աննար երանություն, ի՞նչ զորով...

Ոչ մեկ արգանդ ֆե՛ղ պես հրաշք չըծնավ,

Տժգո՛ւյն աղջիկ, հյուսիսայգի աչերուվ :

(«Երգ երգոց»)

Սևակի «Սիրո գիրքը» արտաշնչում է (իր սիրա-
յին բանաստեղծությունների մեջ) սիրո վարակիչ
զգայնություն: Այդ բանաստեղծությունների մեջ
շեշտորեն սիրո տազնապներ են դրուկորվում սիրո
վայելքի ուժեղ ցանկությունը: Կյանքի երջանկու-
թյունը սիրո մեջ է գտնում: «Սիրո աղբյուր» բա-
նաստեղծության մեջ ասում է նա պարզորեն:

Ոհ, կուգեի մընալ հավետ ալիմ ֆով,
Նիհար հակառս կոքնեցընել ֆու ֆարիդ.
Թաղվի ջուրիդ երջանկության պատանֆով:

Ու կուգեի հալիլ կուրծֆիդ մեջ անհետ,
Լույծ մարմնույդ մեջ կաքիլ մ'ըլլալ, կետ մ'ըլլալ,
Նըգել, հևալ, ֆեզի նման, ֆեզի հետ:

Ինչ մոգություն կար մարմնիդ մեջ համակ,
Ինչ կըսեին ալիֆներդ վագելով,
Ու ինչ հմայֆ կար փրփուրիդ մեջ ներմակ:
(«Սիրո աղբյուր»)

Սևակի մոտ սիրո վայելքի գաղափարը սակայն,
անխառն երջանկությամբ հանդես չի գալիս: Այ-
սինքն՝ սերը նրա մոտ միշտ էլ պատանդված է
մահվան և ունայնության ահալոր մռայլով: Նույ-
նիսկ սիրո բերկրանքի պահին, երբ մարդիկ մո-
ռանում են կյանքն ու աշխարհը՝ մահվան գաղա-
փարը անբաժան է, որ գալիս է թունավորելու
մարդկանց երջանկությունը:

Հոգի՛ս, դո՛ւն, հո՛ս... Երկար, երկար փառացան
Այդ դիրքին մեջ բերան բերնի անձնվեր,
Խենց շունչերն կարծես իրար հանձներ
Այնքան սեր կար այդ պաշտումին մեջ անձայն:

Ու ես լրո՞վ ու ես անշարժ, երկյուղած
Կը նայեի իրենց երկա՛ր ու վաղվա՛ն,
Կը խորհեի, հաջորդ վաղվան ու մահվա՛ն...
Երբ զգացի, որ էությունս դողաց...

(«Համբույր»)

Սերն ու մահը իբրև կյանքի երկու հզոր երե-
վույթներ՝ անբաժան են իրարից: Սերն ու մահը
մեկ բնի վրա առաջացած երկու ոստեր՝ միշտ ըն-
թանում են կողք-կողքի: Կարծես մեկը լրացնում է
մյուսին, այսինքն՝ որ այս երևույթը նրա աշխար-
հազգացողության յուրահատուկ կողմը լինելուց
բացի, նաև հոգեբանական վկայություն է այն բա-
նի, որ սիրո երջանկությունը անսահման է հոգե-
ղեն արարածի համար այնքան, որ մահը նախան-
ձում է: Սերը իր հալոցքի մեջ լուծում և չքացնում
է կյանքի բոլոր տառապանքները, իշխելով և չե-
ղոքացնելով մարդու հոգու մյուս կարգի խոշոր
զգացումները: Եվ սիրել, նշանակում է մահանալ
յուրովի: Եվ ահա դիպված չէ, որ նա սիրո ծարա-
վից բռնված հոգին հիվանդ է համարում, հիվանդ,
որ հալչում ու մաշվում է մեղրամոմի պես: Սիրո
համար նա իր կյանքը կցանկաճար զիջել մահվան,
միայն թե իր պապակ շրթունքները ըմպեն սիրո
նեկտարից:

Մարա՛վ, ծարավն ունի հագիս
Արշալույսի գաղջ ծովերուն,
Մո՛վ-ծով սիրո գաղջ հովերուն
Տալի քերքերն տառապանփա...

Իր նամբուն վրա ծալած հագար
Կույս ծաղիկները կրսեին.
«Ա՛ն մեր նեկտարը կուսային...»:
Կանցներ Պարմանն ու կը հագար...

Մարավեր էր: Շուրքերն անահ
Հուսան ծծել նեկտարն ակեն...
Տեսե՛ք սիրո սուրբ բաժակեն
Պարմանն հիվանդ կըմպե իր Մահ...
(«Սիրո ծարավ»)

«Սիրո և մահվան երգ» բանաստեղծության մեջ ավելի որոշակի ընդգծվում է նրա հոգու այդ կիրքը: Մահը սիրո մոտ կորցնում է իր ուժը, դադարում է իր ահ ու սարսափի ներգործությունից: Սերը չեղոքացնում է մահը: Ահա բանաստեղծը իր կյանքն ու էությունը պատկերացնում է որպես կործանված փլատակներ, որտեղ խավարն է իշխում, բայց վստահ է, որ իր սիրած աղջկա մի նայվածքից պիտի ոսկեզօծվեն, պիտի չուսալորվեն այդ ավերակները՝ կյանք ներարկելով իր ստանշահար բանաստեղծի երակներին:

Ես կըսիրեմ իմ տրտմությունս դյուրական...
Իմ տրտմությունս աստվածներու ցավին պես,
Քո՛ւյր, սրտիս մեջ ի՛նչ խավարներ, վիճեր կան,

Զոր նայվածքովդ կոսկեգոծես ու կօրհնես,
ես կըսիրեմ տրամուրջունս դյուրական...

Եկուր ինձի, լուսնյակին պես գեղեցիկ,
Եկուր ինձի, լույս ու ցնծում հեռավ
Քու արծաթի շողերուդ մեջ սլացիկ
Լուսավորես ավերակներս լալով,
Ես Մահն եմ, եկ ինձ Կյանքին պես գեղեցիկ...
(«Սիրո և մահվան երգը»)

*Բանաստեղծը, պատկերավոր մտածողությամբ՝
խոստովանում է, որ սիրո համար մահանալը մահ
չի նշանակում բնավ: Ընդհակառակը՝ սիրած ան-
ձի էություն մեջ բանաստեղծը հոգու վերածնում,
մի տեսակ սրբացում է կրում այն սրբանվեր ա-
վազանի մեջ, որ սիրահար սիրտն է ստեղծում իր
պաշտած էակի անձի մեջ: Եվ ահա այս կրքի մոտ
մահը ոչ մի ուժ չունի այլևս, և ենթակյան սիրով
է ընկերանում իր սիրած արարածի հետ միասին
գրկընդխառն՝ դեպի մահ դնալու:*

Իմ կյանքս բոլ կորած նավուն պես ըլլա,
Շունչդ ուռեցնես ծեր առագաստս անան.
Մի՛, մի՛ լսեր հոգնած հոգիս, որ կուլա,
Տար գիս սիրո կղզիներեն դեպի մահ,
Իմ կյանքս բոլ կորած նավուն պես ըլլա...
(«Սիրո և մահվան երգը»)

*Եվ մի քայլ ավելի առաջ, կնկատենք, որ Սևա-
կը այլևս սիրո համար եղած մահը, մահ՛հ չի ըն-
դունում, այլ անմահություն.*

Մեննի՛լ, մեննի՛լ... Անմահանա՛լ մահվան մեջ.
Մեննի՛լ... գրկիդ Կոզն, այսպես մեր սերն անշեջ՝
Անհունին մեջ ծառացընել տիրական...

Մեննի՛լ... կուլա՞ս... կը խորհնի սիրական...
Թևերուդ մեջ փառանալու հանույփին,
Քույր մահանույշ, փույր մահագոր, մահագին...
(«Մահագազում»)

Ահա վերջապես «Ինչո՞ւ» բանաստեղծությունը
գողտրիկ, բայց ուժգին: Կուռ և սեղմ տողերի մեջ
Սևակը երիտասարդ սիրո և ծեր սրտի բախումն
է տալիս հուզիչ և իրապես խորազգաց ապրում-
ներով: Փոքրիկ աղջկա սիրո դիմաց Սեր-Աստծու
հղորդվյունը:

Ես կերթամ մի՛շտ, անծայրածի՛ր
Դամբաններ են ոտփիս հետքեր,
Քեզ սիրո մեղմ սյուր մը պետք էր,
Դուն փաթուկին կուրծքդ բացիր...

Կայրին աչերդ սևածիր,
Պիտի մեռնիս, այդպես մ'երգեր,
Քեզի փոքրիկ սեր մը պետք էր,
Դուն Սեր-Աստվածը սիրեցիր...
(«Ինչո՞ւ»):

«Սիրո գիրքը» հաստորում կյանքի և մահվան
նվիրած երգերի մեջ Սևակը կատարում է խոր ընդ-
հանրացումներ, որոնց մեջ իր բանաստեղծ սրտի
քնարական լարերը աղաչավոր և աղեխարշ հըն-
չյուններ են արձագանքում կյանքի տրամագին

երևույթների ներգործության տակ: Ահա այն բա-
 նաստեղծությունները, որոնք կրում են «Երնե՛կ
 ջուր», «Էտըլվեյս», «Հին եղանակ», «Ցնծուն մահ»,
 «Կարապի երգը», «Սրինգ» վերնագրերը: Նախորդ-
 ների հետ միասին, դրանք գալիս են հաստատելու
 Սևակ քնարերգուի բարձրագույն ընդունակություն-
 ները: Բանաստեղծը տեսանողն է իրերի ներքին
 գաղտնիքի, նրանց խորհրդի հայտնատեսը, որի
 աչքերը տեսնում են այն բոլորը, ինչ որ մեր մահ-
 կանացուի տեսողությունից ծածկված է մնում հա-
 ճախ: Մի տեսլահար, որ վերժանում է կյանքի և
 մահվան եղբրապատում տրամությունները: Նրա
 համար իրերը իրեր չեն սոսկ առարկայական մի
 կոնկրետ առումի մեջ, և ջուրը, ծաղիկը, սրինգը
 և հնչող եղանակը միայն պատեհություններ են,
 որ նա վեր հանի կյանքի հանապաղ ու հավերժա-
 կան կսկիծները մահվան դեմ ապրելու անհաղ-
 ծարավը արտահայտելով: Ահա «Երնե՛կ, ջուր»
 բանաստեղծությունը: Բանաստեղծի անմահության
 ձգտումի վրա նրա կյանքի անձնավորության
 նախասահմանյալ դատավճիռը խոր ամպոսանքով
 է լցնում նրա հոգին: Կյանքի հրապույրների և
 բնության գեղեցկությունների մեջ բանաստեղծը
 մահվամբ շղթայակալ՝ երնեկ է տալիս վաղոդ
 ջրին, որին վիճակված է դարերով շարունակ դաշ-
 տերի մեջ իր երգը հնչել: Մարդկային կյանքի և
 բնության անհոգի իրերի հակադրումը ժանր վըշ-

տով է համակում անմահության ձգտող բանաս-
տեղծի հոգին, որն զգում է իր գոյության վաղան-
ցիկությունը հոսող ջրի հավերժական կյանքի մոտ,
որն իր շուրջը կատարվող մահվան ավերներին
անդիտակ՝ քարերի մեջ երգում է անդադար:

Միամիտ վտակ, դարերե ի դար
Դուն մամոտ նամիկեդ կերբաս անմուտ,
Ու երբ կմեռնին շուրջդ անմխիբար՝
Գարնային գույն-գույն ծաղիկներ բոլոր,
Երկու փառի մեջ կերգես անդադար:

Երենկ ֆեզ, վտակ, մեռնիլ չունիս դուն.
Արցունքն մարմինդ կը վարես անվերջ,
Գիշերներու մեջ միայնակ, արքուն,
Անսկիզբ, անվերջ, վտիտ փոսիդ մեջ.
Կերգես, երենկ, ջուր, վախճան չունիս դուն...
(«Երենկ, ջո՛ւր»):

Մարդը, սակայն, իր հոգու մեջ անմահության
տենը կրելով հանդերձ, գիտակցում է այն ան-
պարագիծ ողբերգությունը, որ նրա ամեն մի
անցնող օրը մի քայլ ավելի է մոտեցնում նրան
անխուսափելի փոշիացմանը: Ըստ այդմ էլ մար-
դու կյանքը, և նրա մտքի հզոր ստեղծագործու-
թյունները խղճալի են ու գթաշարժ:

Մինչև նավերժոռեն կյանքոտ, գվարբուն,
Պիտի կարկաչե ֆու ջուրդ մշտաշարժ՝
Հեգնելով արվեստն ու կյանք մարդուն...
Ով անմահության ստվեր գետնափառ.
Վտակ, երենկ ֆեզ, մեռնիլ չունիս դուն:
(«Երենկ, ջո՛ւր»):

Մահւիւան տիրապետութեան առջեւ, մարդկանց և բնութեան երևույթների սահմանաւոր էութեան ցավագին ճակատագիրը մեծ վիշտ է առթում բանաստեղծին, որպէս զգացող և խորհող, և նա իր սրտի ամբողջ դյուրազգացութեամբ կյանքի արտասւլաթոր կարոտներն է սլատմում մեզ, ինչպէս մեղանից անդարձ հեռացող մարդը, տր ակտի ողբա իր սեփական կյանքի և երազների ունայնութեան վրա: Մարդկային զգացմունքի ակնոցներով է դիտում նա իրերի բախտը և տեսնում է այն եղերականը, որ մահը կապում է դրանք իրարու: Եվ Սեակը զգացող մարդու բարբառին է հանում Ալպյան սպիտակ ծաղկի թառամած փունջը, որ մի գամով կախված է իր սենյակի պատի վրա: Բանաստեղծը նրա դիմաց մունջ ու լռելայն, ինչպէս մի կենդանի պատկերի առջեւ, տարւում է տխուր խորհրդածութուններով:

Պատիս վրա անխոսով, մունջ
Գամ մը մեջքիդ՝ կմտածես,
Կը տօգունիս, կուլաս կարծես
Էտըվեյսի ո՛վ վտիտ փունջ:

Մարդու տառապանքն է անձնաւորում ծաղկեփունջը, որի մեջ բանաստեղծը դիտում է ոչ թե էտըվեյսի թորշոմած թերթերը, այլ մարդու հոգին՝ ավելի ընդհանուր բառով՝ մարդու կյանքը: Եվ այլաբանորեն վերաբերւում են կարոտի, արտամու-

Թյան, Թախծի զգայություններ, որ ներշնչում է մեզ
իր բարձունքներից խլված և թռչնելու դառա-
պարտված հիվանդ փունջը:

Թառամեր են քերքերդ բոլոր,
Հյուծեր է ցողոյ տրտմունք,
Ո՞ր դժբախտ նովը սառեւեմ
Քեզ հոս նեակց փայլամուր:

Մաղիկներուդ գոգը վայրի,
Ու քերքերուդ մեջ գալարուն,
Անհաս, հրապարտ բարձունքներուն
Հիվանդ կարոտն է, որ կայրի:

Ու կերպեա դուն անշշունջ
Դամ մը մեջֆիւղ ու կոլորի
Դունատ քալիշըդ մոխիրի,
Էտըլվեյսի ո՞վ նիհար փունջ»:
(«Էտըլվեյս»)

Այսպէս բանաստեղծի զգայուն սիրտը խորա-
զգայ հնչյուններով թրթռում է իրերի անբարբառ
խորհուրդի առջև: Եվ նա տեսնում է, որ ամեն
առարկա, ինչպէս իր հոգին, մահվան դողով է
պարտուրված:

Շնչատ մարմինդ կը դողդոջե...
Վանկերուդ մեջ տժգույն, վտիտ,
Ու հանկերգիդ մեջ միամիտ
Ապրելուն խուլ մահերգը չէ՞...»:
(«Հին եղանակ»):

Բանաստեղծը բոլոր այդ իրերի անլսելի խորհրդի տեսլապաշտն է. նա սիրում է երեւոյթների գաղտնիքը որոնել, իջնել նրանց ներքին կյանքի մեջ: Իր նամակներից մեկում՝ ուղղված Հրանտ Նազարյանցին, Սեակը պարզ կերպով բացահայտում է իր հոգու այս տիրական կողմը. «Կուտն Սեն Բեռնար անուն վանք մը կա Ալպեանց գագաթը, ձյուներուն ու լուսնի մեջ կտրտված, երկինքին ու երկրին մեջ առկալս, ժամանակին պես դարավոր տւ մահւման պես անխախտ: Քանի՞-քանի՞ անգամ երազած եմ հոն քաշվիլ, հոն թաղվիլ, բանտարկիլ իմ երջանկութեանս հետ, դուրս նետվիլ այս զլվելի օրենքն, որ «կյանքի պայքար» կը կոչվի, ապրիլ երազին ու խորհուրդին մեջ, աստվածորեն ապրիլ, հավիտենութեան խաբկանքն ունենալ, լուսնիներ խոսեցնել»:

Ահա վերջապես «Կարապի երգը» և «Սրինդ» բանաստեղծութիւնները: Առաջին բանաստեղծութիւնը հին օրերի փառքը կորցրած մի սրտաճրմվիկ կարտտի կանչն է, որ անձնավորվում է կարապի երգի մեջ: Մի հուզիչ և սրտազրաւ վերհիշում է դա, երբ ներկայի ծանր ու շղթայակապ գերութեան մեջ հեծեծող հոգին անցյալի «Ոսկեփառ արշալուսներն է» որոնում: Բանաստեղծը այդ չքնաղ ոտանավորի մեջ ցանկանում է կարապի վշտի ալիքների մեջ իջնել և հին-հին օրերի հուշ-

քերը և անցած հիշատակների երջանիկ օրերը
քրքրել.

Ուրիշ ոչինչ. .. Ու կարապը կսահի...
Խեղճ ծեր կարապ՝ հուշքը հին-հին օրերուն,
Դեռ կօրոճե մարմինդ՝ ինչպես ամայի
Լիներու վրա կսահեիր օրորուն:

Անշուշտ լռիկ ժամերուդ մեջ դուն ֆեզի
Կը պատմես հին արշալույսներն ոսկեփառ,
Երբ կերպայիւր քաղութներուն մեջ սեզի՝
Վայրի երազդ ապրելու անբարբառ...

Ու կհիշես գիշերներն ալ դուն յունակ,
Երբ ձյունափառ հսկա ծաղկի մը նման,
Գրլուխդ բեխդ՝ կը ծփայիւր գոհունակ,
Մեծ լիներուն կապույտին մեջ անսահման:

Հիմա ֆաղփին արևուն տակ հրահեզ՝
Վանդակապատ լնակդ ստվեր մը չունի:
Ու դուն, կարապ, երգ մը չունիս, որ երգես,
Ոչ իսկ ողորմ հիշ մը վայրի րոշունի:
(«Կարապի երգը»)

«Սրինգ» քերթվածի տաք ու ջերմ տողերը ան-
մահ Պեշկեռթյուրյանի համանուն բանաստեղծու-
թան իրավ և հուզական տողերն է հիշեցնում իր
պարզ ու անպաճույճ արվեստով: Նա սրինգի հետ
մտերմանալու և նրա հետ արտասովելու մեջ է
դտնում վշտակիր և հիվանդ բանաստեղծի իր վեր-
քերի ամոքումը: Եվ արդարև յացող հոգին աշ-
խարհից և մարդկանցից հեռու՝ սրնգի արտասովող

հնչյունների մեջ է ուղղում գտնել իր վիրավոր
սրտի սփռվածությունը:

Երբանհ կապույտ սարն հեռակա,
Մարդերեն վեր, աստղերուն տակ,
Մեր լացին լոկ սերը վրկա.
Ու ձայնակից բլլա վրտակ...

Երգե այնպես, ինչպես կուլար՝
Երբ գիշերի սյունն աշնայնի
Կը սարսռացներ ոստղ դալար...
Շունչս ալ սյունն է գերեզմանի...

Ո՛վ իմ սրինգ, ոստ երկնատուր,
Չորցած կուրծքիդ էս տամ հոգիս.
Ու դուն երգ տուր, դուն վերելք տուր,
Երկինքներ տուր հիվանդ շունչիս...

(«Սրինգ»)

Բոլոր այս բանաստեղծությունները, վերջապես,
վիրտուն և գողտր լուսամուտներ են, որոնց բաց-
վածքից մենք հստակորեն տեսնում ենք կյանք
կոչվող համայնահանդեսի բոլոր այն խռովքներն
ու դրամները, որոնք մարդկային ճակատագիրն են
կազմում: Եվ այդ կյանքից քիչ բարերարված Սե-
վակի հոգին՝ կյանքի անցավորության և մահվան
տվայտագին սգով քողարկված: Բայց նրա հոռե-
տեսությունը, ինչպես ասվեց, հիվանդագին զգա-
ցողության հատուկ մի քարոզ չէ, ամեն ինչ մահ-
վան համայնակույ երախը նետող, ընդհակառակը,
նրա տրամադրություններն ու հուսահատությունը

շեշտորեն լավատես ու պայծառ ենթագիտակցությունից են բխում, անմահության և երջանկության որդեգիր լինելու իր ձգտման մեջ:

Սևակը լավատես և կենսասխիռ բանաստեղծ է: Նրա երակներում հնչում է կյանքի առողջ և ուժգին ձայնը: Նա սիրում է կյանքը, սիրում է հակառակ իր ծանր տանջանքներին և դաժան մահվան, որոնք գալիս, թունավորում են մարդկանց վայելքն ու երջանկությունը: Բայց ինչ էլ լինի, վերջապես, մարդը ինչ ճակատագիր էլ ունենա այս արևի տակ, կյանքը շատ գեղեցիկ և հրապուրիչ է, և հետևաբար, արժե վայելել այն: Ահա այս գաղափարի համոզումով է դրված «Ցնծուն մահ» բանաստեղծությունը, որի մեջ այլաբանորեն կյանքի հանդեպ պայծառ սիրտ զգացմունքն է երգվում: Դալար ծառերի և բուրումնավետ վարդերի տակ վաղող վտակը իրեն տրված հարցին, թե՛

Լուսնակի ցոլիք ծոցդ առած,

Դաշտերու մեջ լայնատարած

Ո՛ւր կվազես դուն շվարած...

Կյանիդ արդեն կարճ է, ա՛յ վտակ,

Մի՛, մի՛ վազեր, ծովն անհատակ

Պիտի քաղեմ եզ այլաց տակ...

Վտակը պատասխանում է.

Վտակն հիծեց.— «Թող անդադրում

Վազեն ջուրերս. մի՛, մի՛ տուրում

Արցունք կարեր անոնց սրտում:

Թող, որ երգեմ լույսն ու մութին,
Ի՞նչ փույր, քե մահն է քաջ մ'անդին,
Ես սիրահար եմ մարմանդին...

Ու մինչ ֆերբոդը կերազեր՝
Լալով, վրտակը եռուզեռ
Երգով իր մահը կը վազեր...
(«Յնծուն մահ»)

Սևակը սիրում է կյանքը: Շատ է սիրում և հենց
դրա համար էլ նա տխուր է: Մի քիչ ավելի խո-
րանալով, մենք կնկատենք, որ բանաստեղծի հա-
մար կյանքն ու իրերը, որպիսի հանդամանքներով
էլ դրոշմված լինեն, իրենց ծննդից մինչև վերջա-
կիտված սահմանը այս հրաշագործ տիեզերքի
ընդհանուր ներդաշնակությունից վերցրած երջան-
կության շողեր ունեն: Ապրելը, շշնջալը, նույնիսկ
մահանալն ու քարանալը յուրահատուկ երջանկու-
թյամբ են կնքված:

Գիշերն իջավ անամպ, անհուն,
Բյուր բյուրեղեն ի՞նչ նուրբ անուն
Տալ անուշի այս սուրբ պահուն.
Ա՛խ, ապրելո՛ւ երջանկություն...

Կանգնեա նավն հեռակա,
Լինն երազ մ'է, կա ու չկա.
Ջուրի շունջն է լոկ վրկա,
— Շշնջելո՛ւ երջանկություն:

Վերն հազար աստղ, վարն հազար լույս,
Կիսաստվերին մեջ հոգեհույզ

Կը խօսակցին քառ, վըտակ, բոյս.
— Ա՛խ, իրերու երջանկություն...

Ու կըձայնէ մատուռն հստակ.
— Սա ծերունի ծառերուն տակ,
Այս քաղցրության մեջ բովանդակ
Քարանալո՛ւ երջանկություն...

(«Գիշերն իջավ»)

Ահա, նկատի ունենալով այս բոլորը, մեզ հա-
մար պարզ կլինի, թե որտեղից են առաջ գալիս
Սեակի հոգու տրտմության և հուսահատության
պահերը: Պատասխանը պարզ է և մեկին: Այս հո-
յակապ կյանքի և սխրագործ բնության մեջ, որի
հանդեպ մեծ պաշտամունքով էր լցված իր հոգին,
մշտնջենապես ապրելու, անմահանալու, հավեր-
ժանալու անկարելիության դառն գիտակցություն-
նից: Եվ կյանքը որքան էլ հրապուրիչ է իր սխրա-
յի և հոգեպարար կողմերի մեջ, մահվան ենթա-
կայության մը ընկճում և խորտակում է նրա հոգին:
Ահա թե ինչու նա ուզում է անգիտանալ ամեն
ինչ, մոռանալ կյանքն ու աշխարհը, ամեն փառք
և ամեն ցավ օտար ու անկարելի մնալով կյանքի
բոլոր տրտունջներին և ցնծություններին:

Աննուրանա՛լ, անբե՛լ, վըսեմ, վե՛ս,
Երբալ անցա՛յգ, անա՛յգ երբալ վերջապես.
Աչևերը գոց՝ ցայգաշրջիկ խեղդին պես...

Զրգիտնալ, ու հոս իդեալը չիկա՛...
Ուխտագնա՛ց երբալ փերն հեռակա,
Դեպի ուղին երջանկության մշտակա...

Երբա՛լ, երբա՛լ, չը հանչընալ Մար՛դ ու Աստվա՛ծ,
Զույգ երբալ՝ ձեռքդ բո՛ւյր ձեռքի մեջ դրած
Անըրջանի՛ն ու Սիրոյն պես — աստուլա՛ծ...:
(«Երբալ»)



Անհրաժեշտ է անդրադառնալ արձակագիր Սեա-
կի վաստակին: 1913—1914 թվականներին Պոլ-
սում հրատարակվող «Ազատամարտ» օրաթերթում
ենա ստորագրում է «Բժշկին գիրքեն փրցված էջեր»
վերնագրի տակ մոտ տաս-տասնհինգ ակնարկ-
պատմվածք, ստեղծելով մեր դրականության մեջ
դեռ չփորձված մի ուրույն ժանր: Այդ գրվածքնե-
րի թեմաները վերցված են նրա անմիջական աշ-
խատանքի շրջապատից՝ հիվանդներից և հիվան-
դանոցից: Նրանցից յուրաքանչյուրը երեք-չորս
սյունակ լցնող մարդկային մարմնի ժանտ ակս-
տերի և նրանցից բռնված հոգիների ողբերգու-
թյուններ են: Սեակն իր բժշկական գործունեու-
թյան ընթացքում դեմ առ դեմ է եկել մարդկային
ցավի, ինչպես նաև այն երկնող պատճառների
հետ: 19-րդ դարի քաղաքակրթությունը իր ան-
կումների մեջ խոշոր վերքերով է սլաղում մար-
դու հոգին և ֆիզիկականը: Լուսնոտություն, հյու-
ծախտ և այլ հիվանդություններ հեղինակի դիտա-
կան հոգածության ենթակա իրողություններ մնա-
լով հանդերձ՝ միաժամանակ նրա բարոյական
մտահոգության առարկա են դառնում մասսաները
լուսավորելու ցանկությունը տողորված: Այստեղ

գրողի ստեղծումները բխում են օգոսկար լինելու ձգտումից։ Ստեղծել ահ ու սարսափ մի շարք հիվանդությունների նկատմամբ, որոնք լուռ և անշան սողոսկում են մարդու մարմնի մեջ և այնտեղ գործում ահավոր ավերածություններ։ Այսպիսով, այդ գրվածքներից յուրաքանչյուրը մարմնեղեն ցավից վարակված հոգու փոփոխակերպ տանջանքների պատմություններ են, ուր հաճույքի բուռն մղումներից իրենց դժբախտությունն են կրկնում մարդիկ, հետո այն ողբալու համար մինչև իրենց կյանքի վերջին շունչը դրեթե։ Նրիտասարգներ, չափահասներ, պատանիներ, և համարյա կյանքի բոլոր մեծ ու փոքր շրջանները ընդգրկող արարածներ ընկած են նրա բժշկի կլինիկան, այստեղից էլ նրա հոգու տիեզերական ցավի մեջ։ «Մի՛ շնար», «Կես խենթը», «Տեր ողորմյա», «Մեղքի տունը» ներկայացնում են միևնույն ախտից խփված մարդկանց ծանր ողբերգությունները։ Դրանք՝ բոլորն էլ անփորձ, սլարզ, բարի մարդիկ են իրենց գավառացու միամտությամբ՝ մեղքի ուստաններից ճարված փտախտներից խառնահար, հեղինակի գրչի տակ մեղ պարզում են մարդկային հոգու սրտաճմլիկ պատկերներ։ Դրանց մեջ բացառիկ վիճակներ կամ հանգամանքներ չեն, որ հակադրում են իրենք իրենց հեղինակի նկատումանը՝ բացառիկ մասնահատկությունների շահագրգռականությամբ, այլ հեղինակին զբաղեցնող

մաքդկային ցավի երեսն է իր անհատակ խորությամբ: Սեւակը այստեղից առաջ է քաշում իր իդեականը, այն, որ բնությունից ստեղծված օրենքներ կան, որոնցից հեռու անցնել չի թույլատրվում մարդ արարածներին:

«Բժշկի գիրքեն փրցված էջեր»-ը մեզ խոստում է Սեւակ արձակագրի և վիպողի անուրանալի կարողության մասին: Այդ գրվածքները որպես մի առանձին ժանր, արժեքավոր ներդրում են, որոնք իրենց բովանդակությամբ, կառուցվածքով, հոգեբանական վերլուծությունների խորությամբ մեր արձակի պատմության մեջ դալիս են մի ուշագրավ տեղ գրավելու:

«Մի՛ շնար» պատմվածքը սկսում է ցնցիչ տողերով և ումբի պես պայթում հանկարծ ընթերցողի առջև և փշաքաղում նրա ողջ մարմինը:

— Բժիշկ, ըստի, զավակ չունենալու համար ճար մը, ճարտի մը չունի՞ս...:

Այդ ահավոր ու ոճրային հարցումից մի ըտպե հետո հեղինակը սարսափած նայում է այցելու հիվանդի երեսին: Նա հարուստ ու պատկառելի արտաքինով մի մարդ է՝ ոսկի շղթայով, հաստ ձեռնափայտով, լավ սնած և խնքնադոհ մարդու երևույթի մեջ: Կերպարի արտաքին պատկերն ամբողջանում է, երբ հեղինակն ավելացնում է, թե նա «իբ գրպանին մեջ կամաց մը ձեռքով քանի մը արծաթներ հնչեցրուց»: Եվ ահա այս տարօրինակ

տիպի հագեցած, պարարտ տեսքը իր ղավակ չունենալու ցանկության հակադրվելով՝ զորավոր կոնտրաստ է ստեղծում: Այդ ժամանակ հեղինակը իր զայրույթն ու նողկանքը զսպել չկարողանալով՝ պոռթկում է.

— Ինչ, ըսի, թող անդին աղքատին ղավակները տասնյակներով ծնին, չոր հացով մը մեծանան փողոցներուն մեջ, շան ձագերու պես, առանց բժշկի ու առանց կրթության, երբ փոքր՝ գերեզմանները լեցնեն, երբ մեծ՝ ձեր գործարաններն ու քսակները, ու դուք, որ ամեն դյուրություն ունիք առողջ, զարգացած, օգտակար անհատների հասցնելու՝ եկեր եք ղավակ չունենալու համար ճար ու ճարակ խնդրելու... դուք, որ ուժին ու ձեր տարիքին լիութան մեջն եք, կայտառ, առողջ...

Բայց ահա արտաքինապես առողջ և կայտառ թվացող այդ մարդը ստուգապես խղճալի մի արարած է, որ իր մարմնի մեջ աշխարհի ամենասոսկալի հիվանդությունն է կրում, մի հիվանդություն, որ բոլոր ախտերը պարունակում է իր մեջ: Գրվածքի հետագա ծավալումից, որ ընթանում է դործողությունների և դեպքերի աշխույժ պատմումի վրա, պարզվում է, որ նա վարակված է անբուժելի հիվանդությամբ:

Եվ պատահական չէ, որ հեղինակը հաղարավորների մեջ ընտրում է խեղճ, բարի և տգետ մի մարդ, որպեսզի ցույց տա մեզ, թե անգիտությունը

կատարված և տգիտությամբ ծածկված սոսկալի ախտը ինչ անսահման վնասներն է հասցնում մարդուն: Հոգով ու մարմնով ամբողջսպես թունավորված՝ նա մահ է ցանում իր շորս բոլորը, իրենց արգանդին մեջ սպանում իր ապագա սերունդներին, որոնք աշխարհ չեն գալու: Ահա դրա համար էլ հեղինակը ազդարարում է երբեմնի մարդարեության ահեղասատու շեշտով, որ դատասպարտում է բոլոր անասնական կրքերը, բոլոր վավաշոտ վայելքներն ու գաղտնի համբույրները:

— Մի՛ շնար...

«Կես խենթը» պատմվածքը հեղինակի վերոհիշյալ մտահոգության օրգանական շարունակությունն է, ինչպես միևնույն հորից առաջ եկած դավակը: Սևակին հուզող խնդիրը այս անգամ ախտավարակ հորից ծնված դավալն է, որ անմեղ զոհն է հայրական մեղքի: Այդ որդին մի դժբախտ արարած է, որի արյան բջիջների մեջ ժառանգաբար անցել է հնացած վարակը: Սևակը դեղարվեստական պատումով, առանց սակայն դիտական փաստերի ավելորդ խճողումի, մեզ նկարագրում է ախտի հետևանքները: Գրվածքի հերոսը իր կյանքը վերջացնում է դցելով իրեն մի ջրհորի մեջ, որպես անխուսափելի հետևանք այդ հիվանդության:

Գրվածքը ծավալվում է սուր դիտողությունների,

լարված դրությունների և հոգեբանական բարդ պրոցեսների վերլուծության հիման վրա:

Նկարագրելով իր հերոսի կյանքի անկարգ և անբնականոն հանդամանքները, Սևակը դրանց ամեն մի մոմենտից և անցքից մի տեսակ խորհրդավոր երկյուղ և միաժամանակ մի սուր կարեկցանք է ներշնչում ընթերցողին: Կիսաազիտակից և անհավասարակշիռ մի կյանքի մեջ կես-խենթը փշացրել է իր հարստությունը աշխանդակ և հիմար դնումների մեջ: Մի լուռ և անխոս տղերքություն է տիրում այդ մշուշոտ և աղոտ ուղեղի անսլառասխանատու արարքների և կենցաղի ետին, երբ նա ստի և մեծամոլության երազանքներից տարված՝ դրանց հավատալու դժբախտության մեջ, իր հարստութունը մսխում է ծնողներից հեռու Մոնտե-Կառլոյի մոլթ և խուլ փողոցների մեջ, ինչպես դետի պղտոր ջրերի հոսանքին իր ձեռքի թանկարժեք իրը դցող երեխան: Ահա նա երեակայում է իրեն ապագա թագավոր և իր բանականների համար ֆրանսիական մի մեծ գործարանի պատվեր է տալիս իշու լավագույն կաշուց թմբուկներ պատրաստել այնքան թվով, որքան էշ չկա աշխարհի երեսին: Մի ուրիշ անգամ Գերմանիայի կայսրին իր ստորագրությամբ նամակ է ուղարկում նրա փոքր աղջըկա հետ ամուսնանալու առաջարկով և ապա այդ ամուսնության արժանի պալատ ունենալու համար Մոնտե-Կառլոյի բարձունքների վրա մի

սքանչելի ապարանք գնելու ստորագրութիւնն է տալիս: Այլ առիթով, մի դիտնականի պատմիրոսմ է արհեստական բրնձի դյուտի վրա աշխատել իր հաշիւին: Եւ այսպէս անվերջ, մեկը մյուսից ավելի անբնական և զարմանահրաշ գնումներ, որ ախտավոր երեակայութեան մղումն է գործել տալիս: Սկսելը կամաց-կամաց ընթերցողին բերում, հասցընում է այն ահավոր դրդապատճառին, որի հետեանքներն են՝ հիվանդի հիշողութեան կորուստը, արարքների երեսայական տարօրինակութիւնը, մեծամոլութիւնը, խոսելու դժվարութիւնը, լեզվի և մատների դողալը:

Ժառանգական միկենուլն ախտի տարբեր հետեււանքը ներկայացնող մեկ ուրիշ սրտաճմլիկ գըրւածք է «Տեր ողորմյա» պատմւածքը: Այս անգամ Սկսելը հրավիրում է մեզ ներկա լինել իր երեսաներին խեղանդամած հոր բարոյական տանջանքներին: Պատմւածքն սկսում է գործողութեան մի արագ սկիզբով: Վարպետ գրչի մի քանի ճարտար տողերով մեր առջև կենդանագրւում է գըրւածքի անծանոթ հերոսը իր տարօրինակ կերպարանքի մեջ: «Չերքե՞զ մը, անգետ ու անլեզու, ան ալ Եվրոպայի ճիշտ կենտրոնը... Անապատներեն շեղելով քաղաքի մը փողոցներուն մեջ թափառող առյուծ մը ավելի տարօրինակ չէր կրնար ըլլալ»: Բացականչում է հեղինակը, և ահա գրքի տողերից վեր հառնելով նա շարժւում է մեր աչքերի

առջև իր հսկայի ահագին կերտվածքով, անընկճելի և հպարտ ուսերով, ամբողջ երեսը ծածկված թավ մորուքով, լայն ու անհատնում մի վերարկուի մեջ փաթաթված: Իր երեք ձագուկների հետ նա Կովկասի անծանոթ և խուլ անկյունից գաղթելով եկել ընկել է Եվրոպայի քաղաքակրթության կենտրոնները, որպեսզի իր ցավին մի ճար, իր դարդին մի դարման դտնի: Այս նախնական ծանօթությունից հետո հեղինակը տալիս է բուն սկզբնապատճառը: Այս գողիաթը իր երիտասարդություն շրջանին բանակի մեջ ֆրանկախտից է վարակվել: Բայց սարիներով լռել ու գաղտնի է պահել բժիշկներից: Հետո ամուսնացել է, և երեք զավակներ ունենալուց հետո կինը մեռել է քսան տարեկան դեռ չեղած՝ որք թողնելով իր զավակներին:

Պատմվածքի այս առարկայական շրջանակից, որ գծագրվում է այս և հաջորդ տվյալների վրա, հեղինակն անցնում է հայրական հոգեվիճակի բացահայտմանը:

— Հապա ինչո՞ւ զավակներդ միասին բերիր, — հարց է տալիս բժիշկ հեղինակը:

— Իրենց համար եկա, բժիշկ... Թող ես մեռնիմ, իմ կյանքս ի՞նչ... Ես մեղավոր հայր մըն եմ... բայց փոքրիկներս, բայց փոքրիկներս...

Սևակը նուրբ արվեստագետի վրձինով է նկարագրում մեղ մեղապարտ մարդու հոգեկան զար-

հուրագին մի դրամա: Բառերն անզոր են արտահայտելու հայրական այս սոսկումը, ինքն իր մեջ ձգվող, դալարվող, կծկվող այն մեղավոր դիտակցության զղջումը, որ ամեն օր, ամեն րոպե հիշել է տալիս իրեն իր զավակների (երկու տղա և մեկ աղջիկ) ականջների խալցումը, որոնք ծանրանում են կապարի պես: Մարդկային բոլոր միջոցներն անզոր են օգնելու նրանց: Նրեխաները խլանում են և սառած մոմփաների տեսք ընդունում: Նրանց դժբախտությունն առթել է հայրը որ, փոխանակ երջանկություն տալու, պատուհասել է նրանց կյանքը: Նրանք, կարծես, հավիտենական անեծքի պես ցցվում են իր՝ չարագործի աչքերի առջև, հիշեցնելու համար, թե ինքը, մի օր, տասնհինգ տարի առաջ... շնացել է մի տեղ... Ամեն ինչ անօգուտ է այլևս: Ոչինչ չի փրկի:

«Սխալը անգամ մը գործվելե վերջ՝ անկարելի է սրբել:

Նրիտասարդության սխալը միշտ ավելի պիտի կշռե նժարին մեջ» — ասում է Սևակը: Եվ իրոք... Ապաժամ խղճահարություն, ուշացած զղջում, դժոխային ներքին տանջանքներ բավական չեն կատարված աղետը դարմանելու: Եվ այս աշխարհում չկա խղճի խայթի և բարոյական լիկումի ավելի ահավոր և սրտակեղեք պատկեր, քան մարդու իր իսկ ձեռքով անմեղ զավակների վրա բնության անողորմ հարվածներին հանդիսատես լինելը:

— Աստված, աստված, — բացականչում է հայրը, — քու արյունեդ երեխաներ չունի՞ս դուն... մանուկներուն փշուր մը գութ չունի՞ս դուն...

Եվ վերջապես, Սևակը հոր բարոյական և հոգեբանական տանջանքի ուժեղագույն կողմերն ընդգծելու համար, ռեալիստական գույներով ցուցադրում է մեզ աղոթքի այն տեսարանը, որտեղ իրարու մոտ շարված երեխաները աղիողորմ օգնություն են հայցում երկնքից։

Ձայների այդ սարսուցեցուցիչ ճլվլոցի մեջ լսվում է հոր կերկեր և ողբագին ձայնը, որն իր գործած մեղքի գիտակցության մեջ կրկնում է աղոթքի ծանոթ տողը՝

Մեղավորաց դարձ և զղում։

Այս պատմվածքների մեջ տիրող ողբերգությունը հեղինակը համարում է գոյություն ունեցող իրականության անհրաժեշտ հետևանք, բարոյադուրկ կարգերի այլանդակություններ, որոնք պալարոտ վերքի պես շրջապատել ու թունավորել են մարդու կյանքը։ Միայն մոլությունների հոգեբանական գործոնը դեր չունի այդ դժբախտությունների մեջ, որոնք հեղինակի ցույց տված օրինակներում արտահայտում են մարդկանց թուլությունից, անկամությունից, սխալանքից առաջացած տագնապը, այլ այստեղ դեր ունի միաժամանակ, այն էլ կարևոր դեր, հասարակական կարգերի

աղետը, որ մարդուն սպանում է իր բարոյական ըմբռնումների և գործնական կյանքի միջև գոյություն ունեցող աղաղակող հակասության ահալոր ճնշման տակ: Եվ պատահական չէ, որ այդ կարգերից առավել տուժողները լինում են առավել չափով միամիտներն ու անփորձները, որոնք կապիտալիստական կարգի ու կենցաղի արտաքին սլատիր և խաբուսիկ փայլից շլանալով՝ նետվում են նրանց ներսում թաքնված դարշահոտ կեղտի մեջ և խրվում մինչև իրենց կոկորդները: Այդ իրականության խոռոչավոր ու մահահոտ երեսը քողարկված է բարոյականության կեղծ ու խաբեբա հավատալիքների տակ: Ահա այդ հասարակությունը քեզ տալիս է ազատ ասպարեզ մթնոլթյան, խալվարի, առանձնության մեջ խախտելու խղճի և բարոյականության բոլոր սահմանները, որպեսզի քեզ դատապարտի իսկույն «ամոթի և այպանքի» ամբաստանությանը: Այս տեսակետից բավական բնորոշ է «Մեղքի տունը» գրվածքը: Տասնութ տարեկան պատանին հոր ձեռքով բերվում է Եվրոպա ուսանելու: Նա իր հայրենի երկրի սարերի նման մի հսկա է, հեղինակի բառերով՝ «հաղթանդամ բան մը, Գողիաթին փայտե տաշված հսկա մը»: Եվրոպայի ասպականված մթնոլորտում «հսկա» այդ պատանին չի կարողանում դիմանալ իր հոգին դերող հրապույրների և մարմնական վայելքների փորձության, երբ մանավանդ «բաժակ մը դարձնելի

գինով Սողոմոնի արժանի կիներ կգտնվեն»։ Եվ ահա տասնութամյա պատանին «արգելված պտուղը» ճաշակելու իր առաջին իսկ փորձին ենթարկվում է քաղաքակիրթ Եվրոպայի անխուսափելի ախտին։ Ահա տեսարանը ներկայացնում է մեզ հիվանդ պատանուն բժշկի հետ նստած դեմադեմ։ Սեակի արվեստագետ ղզայարանքը, ինչպես միշտ, այստեղ էլ ճիշտ և զգուշավոր, կարողանում է բժշկական դիտական փաստերի վրա իր ղեկավար դերի հավասարակշռությունը պահպանել, այսինքն՝ բժշկին ենթարկել արվեստագետի տիրապետության և ահա սենյակը մտած հիվանդ պատանու հետ տնեցած իր սովորական զրույցից հանել գրական-դեղարվեստական մի լուրջ մտահղացում։ Նրա առջև կանգնած արարածը հիվանդ պատանին չէ, այլ հիվանդ պատանությունը՝ իր անհամարձակ, ամոթխած և անճարակ ձևերով, որն արևելքցու, հատկապես հայի հատկանշական դժերի մեջ ցուցանում է ողբերգության յուրահատուկ երանդներ։ Ցավալի և հուզիչ են հետևյալ տողերը հիվանդ պատանության հոգեբանության մասին.

«Ես ուրեմ շատ կսիրեմ այն քվառները, որոնք իրենց ցավին ամբողջ գիտակցությունովը կուզան՝ հովեն հված աշնան ոստի մը պես, ֆեզի փառելու ու խնդրելու որ ուժով մը բռնես զիրենք ու քող չտաս, որ հողը իյնան...»։

Անմիջապես հետո, հեղինակի գլխավոր ձգտումի կողքին հիվանդ պատանության հարցը գրվածքի գլխավոր գաղափարին ստորադասվող ենթադասվա-
փար է դառնում, որովհետև շուտով պատմվածքի բեմահարթակի վրա է գալիս հիվանդի հայրը բժշկի հետ խորհրդակցելու և հնարավորություն տալու նրան՝ բժիշկ-գրողի իր գաղափարներն ար-
ծարծելու։ Առաջին հարվածը Սևակը տալիս է սմոքի գաղափարին։ Վատ հասկացված ու սխալ գիտակցված՝ նեղ, մութ, ալյամերժ, ինքն իր վրա կծկվող մի նենգաբույր նախապաշարմունք է դա,
եթե վերջին վերադիր բառը ականջ չի ծակում, որ մի սարսափելի վտանգ է դառնում նման պարա-
գային, եթե որևէ ակտ ծածկված մնալով իր շու-
տափուլյթ դարմանումը չգտնի։ Ահա հիմնական չարիքը, որի դեմ իր քննադատության նիզակն է ուղղում Սևակը։ Որովհետև այդ «ամոթը» որպես
մի դավանանք նստել է մարդկանց ուղեղների վրա
և կշռում, կշռադատում է նրանց յուրաքանչյուր քայլն ու մտածողությունը։ Դրա մեջ է և դավալի
անձի ու դաստիարակության ուղբերգությունը, և հոր գոյացրած սխալ գաղափարական աշխարհը,
որի վրա կառուցել է նա ամբողջ իր կյանքը։ Այս վերջինս թեպետև ճարպիկ, գործունյա, խե-
լացի մի մարդ, բայց որի միտքը քողարկվել է ամ-
պերի հաստ շերտերի հետև մնացած արևի ճառա-
գայթի պես «ամոթի» ավանդական ըմբռնումի

տակ: Նրա համար, օրինակ, ամբողջ Եվրոպան արգահատելի մի երկրամաս էր, որի գիտությունն ու արվեստը փուչ են, և որի ազատամիտ կենցաղավարությունը այդ մարդու հիսուն տարվա սլարկեշտությունն է խռովում: Եվ վերջապես այդ մարդուկը չի կարողանում Եվրոպայում հանդիպած կյանքի արտաքին երևույթների մեջ թափանցել և նրա արժեքավոր միջուկը տեսնել: Այս պատճառով էլ Եվրոպան իր համար մեղքի մի տուն է, որի վրա երկնքից կրակ է տեղում:

— Բժիշկ, եթե մեզ կարտոնեք, — ասում է պատանու հայրը, — ձագուկս առնեմ, երկիր դառնամ: Փախչենք մեղքի քաղաքներեն. հոս երկիրներն հոտը կտեղա, վարժվեր են ու շեն զգար... Կեսարին փողը՝ Կեսարին. մենք մեր լեռները դառնանք նորեն:

Սևակը որքան հմուտ բժիշկ, նույնքան և հմուտ հոգեբան է: Նա ցույց է տալիս բարոյական վերքերը, որոնք բուն աղբյուրն են ֆիզիկական տանջանքների: Նրանք ծայր աստիճան կառչել են ամոթի գաղափարին, որի հանդեպ ճիշտ պատկերացումը բացակայում է իրենց: «Ա՛խ, ինչպե՞ս հասկացնի այս ժերունուն, որ ամոթալի հիվանդություն չկա, կեղծավորություն է ամոթը, ու տգիտությունն իսկ է այս դժբախտության պատճառը և ոչ թե նզոված գիտությունը» — բացականչում է հեղինակը:

Սևակի մոտ այս դադափարական դիժը զարգա-
նում է շոշափելու՝ ժամանակաշրջանի բարոյական
կապերի և փոխադարձ հարաբերությունների նաև
այլ կողմերը: Դեմոկրատ և հումանիստ գրողը
անտարբեր չի կարող նայել կապիտալի դերիշխա-
նության տակ հեացող ընտանեկան և մամուլական
կապերին, ինչպես և կնոջ ստրկական վիճակի
հարցերին, սիրո առ ու ծախի առարկա լինելու
հանդամանքներին և այլն: Այդ բոլորը Սևակը դի-
տում է միշտ իր բժշկի կլինիկայի լուսամուտնե-
րից, այսինքն՝ միշտ հիվանդությունների առնչու-
թյամբ: Այս տեսակետից, դեմոկրատական և ա-
ռաջավոր հայացքների ուշադրավ արժարժումներ
կան «Հարսներու դադտնիքը», «Անիծված դանձը»,
«Փոխան հարսանիքի» պատմվածքներում: Սևակն
ավելի քան մեծ է իր այս գրվածքների դադափա-
րական բովանդակության մեջ, այն խիզախ ըմ-
բոստացումների մեջ, որոնցով նա ծառանում է
սերը, մամուլանությունը, ընտանեկան սուրբ և դա-
րավոր կապերը չլաճառքի վերածած անհոգի և
կեղծ մարդկանց ընդդեմ: Հողերանական շատ
նուրբ պրպտումների վրա է կառույած «Հարսնե-
րուն դադտնիքը» վերնագրված գրվածքը: Այդ
մարդկանց խաբեբայության և պայմանական բա-
րոյականության կեղծ դիմակներից հիասթափված
մի խոր ողբերգություն է ապրում Այուդանը՝ քաղ-
ցըր և քնքուշ զգացումներով տողորված այդ աղ-

ջիկը: Նրա մեջ հանկարծ պոռթկում է կիներ իր սրտի մեջ կուտակված դառնությունը, որ տղամարդկանց սանձարձակ իշխանություն տակ անիրավված և միշտ լռելու հարկադրված անարդարությունն է պարտադրել նրան: Կինը, որ տիրող կարգերի բարոյական ըմբռնումներով մի անշահ և էժանագին առարկա է:

«Հասցա քոդ այրերը ամենագովելի ախտերու մեջ նեխին, ամենագարշելի անկողիններու մեջ մոռնն, ու վստահ ըլլան, որ հիմենյան սուրբ բարձին վրա ամենամաքուր կույսը պիտի ունենան... Կա՞ միակ աղջիկ մը, որ հույն վստահություն ունենա իր ամուսնին վրա... Թող գոնե կույս մը գտնվի, որ մեր ամենուն վրեժի լուծն...»:

Սյուզանի շրթունքների վրա այս խոսքերը իր օեփական քրոջ դժբախտությունը տանջվող հոգու ատելությունն են: Իր քույրը երկար տարիների խնայողությամբ և զրկանքների գնով հավաքած դրամօժիտը դնում է մի վաճառականի ձեռքը և ամուսնանում նրա հետ: Ահա առաջին իսկ զիշերը ստանում հրեշային ախտը... Սյս իրողության առջև փշրվում է ժաղկանկար բաժակի նման հեգ աղջկա կույս հոգին: Նա թշնամանում է մարդկանց և աշխարհի հետ: Իր հարավատ քրոջ անձնական դժբախտությունը կործանում է իր անարատ հոգու սուրբ ու դյուլթական պատկերացումը սիրո և ամուսնության մասին և փլուզում իր ուստրանքների կախարդական դղյակը: «Ախ, զվելի, դալբելի

մարդիկ,— բացականչում է նա,— հոգով-մարմ-
նով թունավորված... Ու խորհիլ, թե դուք, որ մեզի
սկես մոր մը շքեղ արգանդին մեջ կաղմվեցաք...
Ձեր առաջինն արժանի չէ հետի կնոջ համբույ-
րին... Նա հարսերեն վարդադուլն սլալամուխյուն-
ներ կուզեի ու խեղճերը չէին զորեր իմ կույս հույ-
սերս խավարել...»:

«Անխիժված դանձը» նմանապես մեկ ուրիշ կրկը-
նակն է ծախուռ ամուսնության այլանդակ պատկե-
րի, որտեղ ընտանեկան միությունը վերածվում է
դրամական շահի կամ եկամտի: Արմինեն միակ
ժառանգորդն է իր հարուստ և ծերացած հոր, որի
բոլոր զավակները մահացած են թոքախտից:

Արմինենին, որ նմանապես թոքախտավոր է, քսան
տարեկան հաշիվ եղած՝ բռնում և նետում են մի
տղետ և ստոր մարդու ձեռքը, առանց իր կամքը
հարցնելու: Այս ամուսնությունը, որ իրար վանող
բեկոնների մի բռնավոր միացում է, ստեղծել է մի
հղբերդություն թշվառ աղքատ համար: Նա բնադ-
դով զգացել է և դիտի, որ իր «ամուսինը» համա-
ձայնել է իրենն ոչ թե սիրուց, այլ մի օր տիրանա-
լու իր հայրական ժառանգությանը: «Կինը,— ա-
սում է Սեակը,— աստվածային դիտություն մը
անասնական բնազդ մը ունի ինչ որ չի դիտեր՝ կզգա
և ինչ որ կզգա՝ իր ամբողջ հոգվույն ու մարմնույն
մեջ կզգա...»: Այլիկը ոչ մի քնքուշ սեր և զգա-
յուն սիրտ չի գտել իր կեղծավոր և հոսպիտ մար-

դու մեջ, որը ստոիկյան պաղարյունությամբ չի վարանել տառիներսով իր շրթունքները ենթարկելու կնոջ հիվանդության սոսկալի վարակման՝ նրա մահից հետո ոսկիներին տիրանալու համար։ Սևակը իր սրտի ողջ նվաճքն է թափում ամուսնական նվիրական կապերի այդ ստոր չարաշահման վրա, որ ոչինչ չունի սուրբ և պաշտելի։ Արդարև, մի դժբախտ արարած՝ գիտակցելով իր դրուժյունը, ամբողջ մարդկությանը թունավորելու չափ դառնություն է կոտակել իր ներսում. «Ան կղզվեր իր ամուսինեն՝ որ չար հրեշտակի մը պես կժպտեր. կզզվեր նաև իր հորմեն, տր իր վեց վավակները թաղելն վերջը դեռ կասրեր ու կուլար...»։

Այսպես, բոլոր կեղծ ու բռնի ճարված ամուսնությունների մի տեսակ գաղափարական հակադրությունն է հանդիսանում «Փոխան հարսնիքի» վերնազրկած պատմվածքը, որը հուղական և սրտաբուխ մի գործ է։ Անմեղդության ու դեղեցկության վաճառք Ոսկի Հորթին, երբ ամուսնությունն ու պսակը խարդախ պայմանականության է վերածվում, որի մեջ «օրենքով» միացած երկու սեռերի ներկայացուցիչների փոխադարձ կապի մեջ սրբազործվում է կնոջ ստրկացումը տղամարդու բացարձակ և կամայական իշխանության։ Կնոջ դատի հարցը արվեստի լեզվով ավելի լավ չէր կարող պաշտպանվել, որքան այս պատմվածքի մեջ։ «Գերիներու վաճառականությունը ուրիշ

տեսակ չէր, միայն թե հիմա վաճառողն ալ, վաճառվողն ալ աղջիկն է...» ասում է Սևակը: Նա իր նստատեղիի հիմնական մտահոգության հասնելու համար կենդանի պատկերների և խտացրած գույների միջոցով վերարտադրում է հարսանեկան մի արարողություն Պոլսի եկեղեցիներից մեկում, որն ուրիշ բան չէր, բայց եթե ոչ՝ ամուսնացող աղջկա համար մահվան մի տեսարան, որ փշաքաղում է մարդու մարմինը: «Ահա երեցավ ան,— նկարագրում է Սևակը հարսին,— շվարուն ու մահատիպ կառաջանար, առանց հոժարության, այլև ասանց ընդդիմության, որովհետև ուրիշների իր ճակատագիրը վճած էին արդեն՝ առանց իր հավանությունը հարցնելու»: Կնոջ վրա գործադրվող այս «օրինական» դահճագործության շարժառիթը հաջրասությունն է, որ իբրև չքմեղանք և արգարացում քալում է բոլոր անհավասարությունն ու պղծությունները: Մեկ կողմից շվայա, զեխ և անբարո մարդու գիրկը նետում է թռչնիկի պես անմեղ և դողդոջուն աղջկան, մյուս կողմից՝ կաշառում է հողեկորականին, եկեղեցին վերածում գերեվաճառության շուկայի և նույնիսկ ստիպում է աղջկա խաբված ծնողներին ուրախության ու հպարտության արցունքներ թափել:

Ամուսնական բոլոր ձևերի սնանկությունն ու կեղծավորությունը մատնանշելով, Սևակը ձգտում է ամուսնական բարձր և հիմնավոր կապերի, ո-

րոնք պետք է ստեղծւեն մարդկանց բացարձակ բարոյական կատարելութեան պայմաններում: Երկու անձերն իրար միացնող ոչ մի պայմանական և նախօրոք հաստատւած ձևեր չի ընդունում: Ամուսնութեանը, որ մարդկային հասարակութեան կարևորագույն խնդիրներէից մեկն է, ձգտում է նա բարձրագույն միութեան վերածել: Բնութեան Սեռի, ամուսնութեանը պայմանավորւում է սիրով միացնել, և ընդունւած կարգ ու կանոնի սահմանները չեն կարող ապահով երաշխիք լինել երջանիկ և համերաշխ կյանքի: Ամուսնութեան հիմքը՝ սերը, փոխադարձ հարգանքը և հավասարութեանը պարտադիր կանոններն են իրավականութեանից վեր բարոյականութեան տեսակետից: Սեռիը համոզւած է, որ բարձր հասարակութեան հիմքերը լավ ընտրւած ամուսնական դաշինքներն են: Եվ հետևաբար, նա ուղղում է ամուսնական կապերն ազատել շահագիտական միացման անարդ. պայմաններից և կամ դիպւածի պատահական մերձեցումներից, որպեսզի խնայւեն մարդկանց ընտանեկան կյանքի սրտածմելի ողբերգութեանները: Եվ սրանից ուղիղ գծով կարելի է հետեւեցնել, որ ամուսնութեանը զգացումների, զաղափարների, մտածելաձևի, նախասիրութեան և ճաշակների համաձայնութեան (չեմ ասում նույնութեան) միացումն է երկու հոգիների, որոնք ամուսնանալով երջանիկ կյանքի ապահովագրութեան են անում: Եվ մարդը

դրան պետք է հասնի բացարձակ տղնվության և բարոյական կառարեկաբործման ճանապարհով: Դրանից դուրս կանխապես սրտշված կապի իրավական ամեն մի ձև նսեմացնում և ստորացնում է նվիրական զգացումները և ամուսնությունը վերածում է «երկուստեք ստորագրված վաճառականական պայմանագրության»: Հեղինակն ինքը ավելի լավ է բնորոշում հետևյալ տողերում. «Ուշերը, տրուն համար Սողոմոն «Մահվան չափ զորավոր է» կըսե, առևտուրի մը չափ խախտե եղավ, որովհետև օրենքը, մեզ միացնելու ժամանակ՝ բաժանելու պայմաններն ալ կմատնանշեր»:

Այսպիսով, Սևակը շոշափում է կյանքի բազմաթիվ կարևորագույն հարցեր: Ահա նա, որպես բժիշկ և գրող, իր կոչման հալածարի՞մ մնալու մտահոգության մեջ ծնունդ է տալիս «Գինովին աղջիկը» և «Տելիբում թրեմենս» պատմվածքներին: Դրանցում հեղինակը ուշագրության առարկա է դարձնում արկոհուլի վնասները: Չպետք է մոռանալ, որ այդ պատմվածքները բխելով գրքի մայր ոգուց արժեք են ստանում այն հանրօգուտ ձգտումի մեջ, որով նա ուզում է վերսհիշյալ մոլության հետևանքները պարզելով՝ շեղված մարդկանց ետ կանգնեցնել և բերել իրենց կյանքի բնականոն ճանապարհի վրա:

«Բժշկին գիրքեն փրցված էջեր» գիրքը մի ուրույն և հետաքրքիր աշխարհ է բերում մեզ՝ ցավերի

և տանջանքների բազմազան տեսարաններով: Մարմնական, հոգեկան, բարոյական բոլոր տեսակի վշտերը ընկած են Սևակի դրշի տակ, որոնց վրա դեմոկրատ և հումանիստ գրողը իր մաքի լուսավոր ճառագայթներն է սփռել դրանք վերացնելու մեծ մտահոգություն: «Մեղքին պտուղը», «Ստամոքսի զոհը», «Ծավի միսը», «Թոքախտավորը» և դեռ շատեր, ֆիզիկական և բարոյական տառապանքների ուրիշ վկայություններ են, որոնք ըստ էության՝ վերոհիշյալ գրվածքների երկարածագումը լինելու պատճառով չեն վերլուծվում այստեղ:

Բայց կարելի՞ է արդյոք անուշադրություն անցնել «Մանչերու գերեզմանը» պատմվածքի կողքով, որ իր կատարողական արվեստով մի գերազանց գործ է: Տաշված և փայլուն քարերից կերտված մի հորինվածք է դա, որի վրա բեկբեկվող շողերի նման ցուլանում են հեղինակի մանկության անջինջ հիշատակները, մեր միտքն ու սիրտը լցնելով այն կարեկից և ամիսոսալի ցավերով, որոնք ներշնչում են մեզ դեռահաս կյանքերի վաղաժամ մահերը:

Արամն է գրվածքի հերոսը՝ հեղինակի մանկության ընկերը: Մի խոր կարոտով նա վերհիշում է «Հին-հին, օրհնյալ օրերի» թանկագին հիշատակները, որոնց շրջանակի մեջ դալիս է կանգնելու մանուկ օրերի իր պաշտելի ընկերը այնքան կեն-

դանի և իրական շարժումներով, տաես կանաչ արտավայրի մեջ կայտառող անհանգիստ դառը։ Մի քանի թվարկումներ անցած հիշատակներից, մի քանի հաստ գծեր միջավայրի և այդ հասակների հոգեբանության արտագրավ բարձրից, որոնց մեջ առանձին պաշտամունքով ընդդժմում է դպրոցական երկու դասակից ընկերների անկեղծ և արտագին կապը։ Եվ ահա կերտարը իր արտաքին և ներքին, այսինքն՝ ֆիզիկական և հոգեկան առանձնահատկություններով կերպարվում է, օրպեսզի մեր աչքերի առջև տողանցեն նրա խաղերի և շարաճճիությունների շարանը, որի մեջ ուշադրավ է նրա այն աննման քաջությունը, որով, այդ հասակում, հերոսի վայել խիզախությամբ՝ արհամարհում է ամեն վտանգ, որոնք իրական և երեւելի աշխարհի վախերից են ծնվում։ Բայց հեղինակը այդ հերոս մանուկի մեջ, դեպի իր մտադրությունն ընթանալու ճանապարհին, շոշափում է մի հիմնական հոգեբանական կողմ։ «Եվ սակայն այս պատանին, —ասում է Սևակը,—որ անգղեր կփետրեր ու մանչերը կծեծեր, աղջիկներուն առջև տղամըդ պես կդողար ու մեղավորի մը պես կկարմրեր...»։ Եվ ահա բռնելով պատանիների հոգեբանության այս թելը դեպքերի զարգացման մեջ, ձգում է այն և բերում ու հասցնում այն վտանգավոր պրոբլեմին, որը հայտնի է մեզ պատանիների դերեզման տանող փաստերով։ «Արամ քա-

նի կմեծնար, այնքան կտկարանար: Եկեղեցիին մեջ երգած ատեն ձայնը կլիովալեր. դպրոցի մեջ պատասխանած ատեն միտքը կխափարեր. դիրք մը կարդալու պահուն՝ էջը շգարծուցած՝ կարդացածը կմոռնար»: Այս բոլորը նրա համար, որովհետեւ տարտամորեն մի փսփստակ էր շրջում այն մասին, որ Արամը «ամսթ բաներ կընէր», «ողնածուծը հալել էր»: Հեղինակը, այնուհետեւ տանում է իր հերոսին հյուծախտի աստիճանական քայքայման պրոցեսների միջից նրան հանձնելու գերեզմանի փոսին:

Այս թեման առաջին հայացքից գուցե և կյանքի մի սովորական երևույթ է թվում, բայց հեղինակի արվեստագետ գրչի սակ մարդկային ամենաազնիվ հույզերով, սրտի արյունով դրված կյանք և կենդանություն է ստացել:

Նմանապես մի շքեղ երկ է «Կոռնկը», որ նպատակ ունի այս անգամ մեր ազգային ցավի երեսներից մեկը լեր հանել: Հեղինակը իր հերոսի անձնավորության մեջ խտացնում է մեր ժողովրդի ճակատագրի դարավոր ցավը: Եվրոպայում ուսումն ավարտած երիտասարդի մեջ թոքախտը տարիներ շարունակ դարանակալ սպասելուց հետո, նրա հայրենիք վերադառնալու դերագույն ժամին հանկարծ իր զլուխն է ցցում և հարվածում նրան: Լքումի, մենակության և որբության չարքաշ ու մռայլ տեսարանների մեջ է դրել Սևակը

հայ երիտասարդին, որպէսզի նրա մեջ դիտի վառ երազներով հզի կործանվող մարդու հոգին, իր անսահման ողբերգությամբ:

Ահա այդ գիրքը բոլոր այս հիւանդներից ու հիւանդություններից կազմված զանազանակերպ տանջանքների մի մղձավանջային աշխարհ է, որի մեջ թաղվում է ընթերցողի հոգին, բայց չի խեղդւմ, շնչում է այդ օդից, բայց չի թունաւորվում, այլ փորձառության և իմաստության զենքերով դռեպնդված դուրս է գալիս այնտեղից: Որովհետեւ Սեակը բոլոր այդ ցավատանջ տեսարանների վրա իր հոգու կենսատու ճառագայթներն է սլատեցնում: Նկատելի մի պարագա է այն, որ ի հակադրություն իր նախորդ ստեղծագործություններին, որոնց հոգեաշխարհի վրա մահվան հուսահատությունը ծանրածանր ճնշումով թաւալվում է, այստեղ սահայն, ցավի թագաւորության մեջ, ասլրելու և հաղթանակելու կորովի կամքն է արտայայտվում: «Ասլրելը հաղթել է» և «Նաբոլեոնի մահը» ակնարկներում մեծ հոգիների հատուկ լավատեսությամբ ցավերը դիմադրաւելու պայքարն է թելադրում փոխադարձ օգնության հիմունքների վրա: Եվ հեղինակը հիւանդությունից ցավագար մարդկանց շրթներին կաթեցնում է սփոփանք մեռնողի քաղցրությամբ.

«Բոլոր երկրներու ախտաւորներ, իրադու միա-

յեք, ձեռք-ձեռքի տվեք, կազմակերպեցեք մեծ հաղթության, կյանքի հաղթության համար...

Հառաջ. ապրիլը հաղթել է...»:

Իսկ «Նաբոլեոնի մահը» դրվածքում այդ գաղափարը իր վերջնական ձևակերպման մեջ է. «Այն հիվանդները, որոնք փոքրիկ ցավն մը կհուսա-հատվին, թող դիտնան, որ այս աղքատիկ դյուղացիին զավակը, այս նիհար ու պանդուխտ զինվորը, որ համամարդկային քաղաքակրթությանը հրամայեց, աշխարհին տիրապետելն ավելի իր անձին տիրապետեր էր... Այս փոքրիկ մարդը իր վրա կմիացներ բժշկության մեծագույն հիվանդությունները. իր ուղեղը լուսնոտ էր, իր սիրտը պղտիկ, իր կուրծքը թոքախտ, իր ստամոքսը քաղցկեղ...

Խոսելով Սևակի արձակ դրվածքների մասին, Ժամանակակից նշանավոր արձակագիր և հրապարակախոս Ռուբեն Զարգարյանը գրել է. «Շնորհավորություններս այն զմայլելի ձևին համար, որով կդրեք ձեր բժիշկի էջերը: Չեք կարող երևակայել, թե որպիսի խանդավառ ընդունելություն գտած են անոնք ընթերցող հասարակության մեջ, թե հոս, թե արտասահման: Ասիկա նույն՝ կապացուցանե այն անտարակուսելի դրական ճարտարությունը, որով կդրեք ձեր հողվածները քերթվածի մը չափ

Թրթռուն, երկրորդ՝ մանկավարժական այն մեթոդը, որով հիվանդությանց սարսափն ու վարշանքը կներշնչեք, առանց խրատի ու քարոզության հին պալալ մեթոդին, և երրորդ՝ այն, որ ափսոս, այնքան տառապանք կա մեր ծայն ալ ու այնքան հիւլանդ, այնքան վիրավոր»:

Այսպիսով, Ռուբեն Սեակի արձակ գրլածքները իրենց դրական-ստեղծարժական ժառանգության վրա ալեւացնում են մեկ ուրիշ արժեքավոր երես: «Բժշկին գիրքեն փրցված էջեր» գրքի մեջ ամփոփված գրլածքները սիրուն պատմվաքներ են: Դրանց հոգեհատակը միշտ բանաստեղծական հշմարիտ զգացողութունն է, որ կենդանութուն և ջերմութուն է հաղորդել այդ գրլածքներին: Դրանց մեջ հանդես է գալիս մարդու հոգեբանության պրպտողն ու ուսումնասիրողը: Մարմնական ցավի ազդեցությամբ առաջացած հոգեկան ողբերգություններ են նրա մտահոգության առարկան, և մենք լցվում ենք և՛ հերոսների ախտի երկյուղով, և՛ հոգեկան ահավոր դրամայով: Այդ գրլածքների թեմաները, որոնք նպատակ ունեն գիտական երկվույթները բացատրել, կարող էին սոսկական չոր փաստերի արձանագրության վտանգը ներկայացնել, եթե Սեակ արվեստագետի խառնվածքն ու հաշակը չփրկեին դրանք: Արդ, այդ պատմվածքները սեղմ, արագ, շարժուն գրլածքներ են, ալեւորդություններից զերծ, անշահ մանրամասնու-

թյուններից հեռու: Հեղինակը չի տարածվում նյութի վրա, չի ծամծամում այն, այլ հավատարիմ մնալով իր մտահղացման գլխավոր նպատակադրումին՝ հանդես է բերում խոսքի և բառերի հանդեպ զգույշ և ժուժկալ վերաբերմունք: Ահա թե ինչ է գրում ժամանակի դրական դեմքերից մեկը՝ Ալփիարը, Սևակի այս գրվածքների մասին:

Զգացումներու փափկազգաց նկարիչ մը լեզվի ciseleur մը և բառին ամբողջ ուժովը՝ հանելի գրագետ մը՝ գրական նոր նյութ մը կտեղծեմ, որուն վրա հիացողներն մեկը ներեցեմ որ ես ըլլամ»:

Կյանքի սիրով և ապրելու խանդավառությամբ այնքան լեցուն այս բանաստեղծ-արձակագիրը ինքն իրեն դժոխիրագործած ընկալ կես ճանապարհին: Այժմ, Սևակի՝ որպես ժամանակի հումանիստ մտածողի և առաջավոր մարդու՝ սրտի կարոտներն ու սերերը մերն են լինում, սովետական ժողովրդինը, համայն մարդկության հանգիստ և խաղաղություն բերելու իր սրբազան առաքելության մեջ:



Խմբագիր՝ Ս. Տարոնցի
Նկարիչ՝ Ա. Դասպարյան
Դեղ. խմբագիր՝ Ռ. Բեդրոսով
Տեխ. խմբագիր՝ Վ. Դալսյան
Վերստուղող սրբագրիչ՝ Ա. Բիւռյան

ՎՖ 03865

Պատվեր 672:

Տիրաժ 3000:

Հանձնված է արտադրութեան 1/XII 1958 թ.:

Ստորագրված է տպագրութեան 25/IV 1959 թ.:

Թուղթը 70X921/32: Տպագր. 2,75 մամ. = 3,22 պլայմ. մամ.,
հրատ. 2,5 մամ.:

Դինը՝ 1 ո.:

ՀՍՍՌ Կուլտուրայի մինիստրութեան Հրատարակչութեան-
ների և տրիպրաֆ արդյունաբերութեան Դիւստիոր
վարչութեան № 6 տպարան, Երևան,
Լենինի տողոտա № 51:

ԳԱԱ Հիմնարար Գիտ. Գրադ.



FL0033875

ԳԻՆԸ 1 Ռ.

A $\frac{7}{108}$